

UTL AT DOWNSVIEW



D RANGE BAY SHLF POS ITEM C  
39 12 05 14 10 013 1



DR  
569  
S8

Suleymān Paşa, Hüsnü  
Hissi inqilāb

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---







Digitized by the Internet Archive  
in 2011 with funding from  
University of Toronto



3

Suleyman Paşa, Hüsnü

# حسن انقلاب

یاخود

سلطان عبدالعزیزك خلعی ایله سلطان مراد خامسك جلوسی

محرری

روم ایلی صرب اردولری عموم قوماندانی مرھوم

سلیمان پاشا

Hesri inkilab

تاریخ تحریری

۱۲۹۳

استانبول : طنین مطبعه سی

۱۳۲۶



افاده


پدر مرحوم بواثری سلطان عزیز مغفورك خلغنی  
متعاقب، و متن کتابده ا کینلی قصاب زاده حسین صبری  
پاشا حقنده نوط صورتیه ویردیکی معلوماته کوره،  
۱۲۹۳ تاریخنده و غالباً بوسنه و هرسکده بولندیغی  
صره ده یازمش ایسه ده شخص ثالث طرفندن یازملش  
کبی قلمه آلمش در .

وقعه خلعه لوا رتبه سنده ایکن اشتراك ایتش اولدیغندن،  
لوا اونفورمه سیله موجود اولان بر رسمی بورایه  
درج ایدلمش در .

سلیمان پاشا زاده

سامی

DR  
569  
58





## سلطان عبدالعزیزک خلعی

ایله

### سلطان مراد خامسک جلوسی

دولت عثمانیه سلطان عبدالعزیزک بدایت تاریخ جلوسندنبرو  
برچوق صدمات تحریبیه ایله متزلزل وخصوصا ملت اسلامییه کافه  
شاقه تکالیف دولتی تحمل ایله برابر محقراوله رق شوکت واقبالی  
کوندن کونه متزلزلایدی . چونکه اداره حکومت شرع وقانونی  
ملعبه کیف وهوا عدایدن برمتحکم جاهلک یدتغلبنه متروک واکثریت  
اوزره شخصی ویاخود مطابقا نفس الامرده مستهجن برصفتی  
بکنه رک نصب وتعیین ایتدیکی ارکان وامرای دولت ایشه بعض  
مستثناذواتدن بشقه باشیلیه اولمش وبعده هانکی صنف ومأموریه  
نسبت آرزوسنده بولنیورسه آکاده مقتضی اولان علوم  
خصوصیه یی تعلم ایتمش اولمیوب حتی مکاتب صبیانیه ورشیده ده  
کوریلوب طوران حساب جغرافیا وموالید کی اوفاق  
درسلی بیله جاهل برکروه غافل ایدی . بوجهلای وکلا ووزرا  
مرجع وحامیلری بولنان ذاتک اثرینه تقلید حرکت مجبوریتده  
اولاجقلرندن آنلرده ایکنجی و اوچنجی درجه ده بولنه حق  
مأمورین ایچون لیاقت ومعلومات کی اوصاف تحریسند بولمزملر  
ایدی . بر درجه ده که استخدام التماسی وبعض اخلاق واحوال فاسده

هر درلو مأموریتی احراز ایچون وسائط مشروعه دن معدودایدی .  
 بر مأموریتك حسن ایفاسی ایچون بر طاقم علومك لزومی منكر  
 اولوب او یولده بحث ایتك ایستینلر مضحك وشایان استمزا  
 کورولور ایدی . بوقیل جهلای مأموریتك شعبات حکومتك  
 هر جهتده کوستره جککری اثر بعض امور تصادفیه دن قطع نظر  
 مهلکه واسئت تهیه واعداد ایدر ایدی . نهایت بروقتلر اوروپایی  
 لر زدنك دهشت ایدن آلتی یوز سنه لك قوجه بر دولت فلمنك  
 دانمارقه و یونانستان کبی درجه رابعه ده بولنان دولترلر دن نفوذ  
 و حیثیتجه پك دون و هر کون او غریبه فدای جان ایتمکده بولنان  
 ملت اسلامیه ایسه بوجریحه طاقتفرسا ایله داغدار و داخون  
 قالدی . هر مملکتده قونسولوسلر بر حاکم مستقل کسلدی .  
 استانبولده بعض سفارتلر ( باشلیجه روسیه سفارتی ) مرجع  
 اولدی . امور خارجیة نفع و ضرر دن نفسی متأثر عد ایتیمان برکروه  
 مأموریتك ید استیلاسنه دوشهرك و حقوق سلطنت علیه  
 اقامه اولنان هر نوع ادعا اثر تعصب اتهامیه علاوه لشرهك کسر  
 نفوذ و حیثیت اسلامیه نتیجه لرینی کوستردی . روسیه سفارتك  
 توصیه سی اوزرینه قره طاغدن هر سکه مهاجرتی بر پولتیقه شناس  
 مغنك جمیله اوله رق عد و قبول ایتدیکی خذله اشقیا هر سك  
 اختلالی ایجاد ایتدی . آندن صکره امور خارجیة اوستریایله  
 روسیه نك بازیجه تحکمی اوله رق بر سنه دنبری میدانده بولنان  
 مساوی احوال حاضره نی وجوده کتوردی . اهل اسلام

مالدن جاندن اولاد و خانماندن جدا و نیجه بیک دینداشمز اوچ جاهلک [۱] جهل واهاتی اوغرینه محو وفدا اولدیلر .

بو حال اضطراب و یاسدن بزه اوزاق اولان اوروپالیلر غافل ایدیله . چونکه برواسطه استخبارلری یوغیدی . استانبولده بولنان اوروپالیلرینه بر اوروپا شهری حکمنده بولنان یک اوغلنده اقامت ایدرلر و بربرلری ایله و یاخود مذهبداشلری بولنان روم وارمیلرله اختلاط ایدرک مسلمان و ترک طاقنک اولرینه کیتمز لر طشرده بولنان قونسولوسلر دخی اکثر یرلی خرستیانلردن مرکب اولدیغندن منافع شخصیلهری اوغورنده اوغراشمقدن بشقه برشی دوشونمز لر ایدی .

والحاصل ملت اسلامیهیه مستولی اولان مصائبه بر علاوه مدهشه اولمق اوزره بلغارستان شناعتی ظهور ایتدی . اطفال وانات برطاقم یچارکان اسلام روسیه مدینته تقلیده قالدیشان بلغارلرک یورکلر دایانماز فاجعه لریله نوش شهد شهادت ایتدیله . آرقه سندن سالنیک حادثه سی ظهور ایتدی . واقعا مسلمانلر ایکی قونسولوسی قتل و تلف ایتدکلری ایچون بریوک جنایت ایتدیله . لکن دین و ملت علیه کوستریلن انواع حقارتبه آرتق صبر و تحمل قالدیغنک فعلیاتی عرض و اثبات ایله ملت اسلامیه ده هنوز بر غیرت دینی و ملیه موجود اولدیغنی ده تفهیم ایتمش اولدیله .

[۱] بواچ جاهلدن ایکسی محمود ندیم پاشا ایله شیخ الاسلام حسن فیهی افندی اولمق کرکدر .



بو صروده ادرنه فاجعه‌لری چوغالدی . رأس کارده بولنان محمود ندیم پاشانک آنی‌ده هر سکدن بدتر برقالبه افراغ ایده‌جکی اعتقادی قلوب عامه‌ده یرلشدی . طلبه علوم استدعای عزلیله تنسیق امور ملت آرزولرینی کوستردیلر . واقعا محمود پاشا آنک اوزرینه عزل اولدی . لیکن بو صروده برلینده قونفرانس تشکل ایتدی . سلطنت سنیه و حقوق ملیه اسلامیه علیه قرار ویرلدی . مسلمانلرک صفت جنسیت و ملیتلی و بلسکه نوع بشردن معدودیتلری بیله اونودیله‌رق بر اون طقوزنجی عصر قروازادی کوسترمک استلیدی .

هیئت وکلا بویه بر تکلیفی قبول ائمه‌مکه متفقاً قرار ویردیلر . فقط امور خارجیه مسلمانلر قدیمندن برفرق ارائه ایتدی .

وکلانک ضعف اقتداری آکلاشلدی . ایچلرندن ارباب دقت وحمیت اولانلری وضع حاضرلریله برایش بجره‌میه‌جک‌لرینی درک ایتدیلر . خلقده اضطراب و خلیجان آرتدی . هرکون قویون سورلیسی کبی محمود ندیم پاشا ایله خارجیه مأمورلرینک ذوق و کیفی اوغرینه مذبحیه چکیلان عسکرلر بو اوان بحرانده اجداد عظاملرینک اثر و حرکتلرینی یاد و تحظر ایتدیلر و هریری سلامت و نجات ملتک واسطه حصولی مضمردرون ایلدی .

او ائنده سرعسکر وقت اولان حسین عونو پاشا دخی کندینی ازعاج ایدن حسیاتی دارشورا رئیسی شیردیف پاشایه آچهرق وخامت عاقبتدن ملت ایچون چاره نجات مذاکراتنه

گیرشده . ردیف پاشاده اوتهدنبری الفت ورفاقتی اولان مکاتب  
عسکریه ناظری سلیمان پاشایه کشف مصاحتله وخامت احوالی  
موضوع بحث ومقال ایلدی . پاشای مومی الیه ایسه ذاتاً هر سگ  
مسئله سنک بدایتدنبری آرا ومعروضاتی رتبه سنک کوچکلکی  
آفتندن اولمی که کیمسه یه آکلاده میهرق مایوس ومتأثر ودخلون  
وفلاح ونجات ملت ایچون هر درلو فدا کارلنی کوزینه آلدیرمش  
بر مرد غیرت مشحون ایدی . جواباً سر عسکر پاشا آرزو  
ایتدیکی حالدده بواشک حصولی پک قولای اولدیغنی وبر ایکی  
طابور عسکرله وجود بوله جغنی عرض وتفهم ایلدی . چونکه  
سلطان عزیزک متخذی اولان مسلك حکومندن آرتق ملتجه سلب  
امنیت اولمش وسلامت ملت آنک رأس کاردن چکلهمه سنه مشروط  
اولدیغنی جمله بیننده بر اعتقاد حاصل ایتشیدی .

آنک اوزرینه برایکی دفعه دهه حسب حال کونه مذاکرات سبقت  
ایلدیکی کبی اشبوشهر جمادی الاولینک اوچنجی جمعه کیجه سی  
دخی مشار الیه ردیف پاشا الیه برلکده سلیمان پاشا حسین  
عونی پاشا حضر تلرینک ساحلخانه لرینه کیتدکلرنده ینه احوال  
حاضرده اوزرینه ینلرنده بعض کلمات مناسبه سبقت ایلدی .  
وردیف پاشا حضر تلرینک سلیمان پاشادن آله رق حسین عونی  
پاشا حضر تلرینه ویردکلری معلومات اوزرینه مشار الیه دخی  
بویله بر حادثیه چارچشماله منتظر بولنان مدحت پاشا حضر تلرینه  
کشف مصاحتله و بحریه ناظری قیصرلی احمد پاشا حضر تلرینه

دخی بیان حال ایله ایکسینی ده دائرۀ اتفاقه ادخال ایدی .  
لکن صدر اعظمه شیخ الاسلامک دخی داخل مصلحت  
اولمی واجباتدن ایدی . مع هذا مذکور جمعه کیجه سینه قدر  
هنوز آنلرله بویولده بر مذاکره لری سبقت ایتمهش ایدی .  
بیانه حاجت اولمדיنی اوزره سلیمان پاشا مکاتب عسکریه  
ناظری و مسلح اوله رق معیتده اوچ یوزه قریب مکتبشا کردی  
بولوب طابورلره قومانداسی جاری دکل ایدی .

بومقدار شا کرد ایله بویله برخطب عظیمک تعهدی ممکن  
اوله میه جغندن وقعه دن تخمیناً یکرمی کون مقدم طاش قشاهنک  
اوکندن کچهرک قشاه پیشگاهنده طوران خاصه بشنجی طلیعه  
طابوری بیکباشیسی عزت افندی یه تصادفه بعض مرتبه غیرتی  
تحریک ایده جک سوزلر صرف ایتش ایدی .

چونسه کلادن هیچ برینک موافقتی ممکن اوله مدینی  
ویا خود آنلرله بوباده مباحثه و مذاکره فرجه بوله مدینی  
حاله بیله راساً بر فدا کارلق ابرازی ذهنتجه مقرر ایدی .

مومی الیه عزت افندی ایسه ذاتاً اصحاب حمیتدن بولمדיنی  
جهتله بویله بروقعه خیریه نک حصولنه طابوریه جالیشه جغتی  
جواباً افاده ایتدی ایسه ده سلیمان پاشا برطابورک کفایتسرلکنی  
بیان و دیگر طابورلر بیکباشیلرینک یعنی خاصه دردنجی طلیعه  
طابوری بیکباشیسی عثمان آغا ایله خاصه برنجی آلاک ایکنجی  
طابوری بیکباشیسی ادهم بکک افکارینی استکناه ایتدی و عزت



افندی آنلرکده بویله برایشه استعدادلری ظننده بولندیغنی سویله دی .  
بومذا کرده دن برقاق کون صکره در سعادت مرکز قوماندانی  
میرلوا مصطفی سیفی پاشا سلیمان پاشانک خانه سنه کیدرک حین  
مداوله افکاردهینه بحث حاضر آجیلوب اویله بروقه ظهورنده  
کندیسی ایله متحد اولدیغنی مصطفی پاشا سلیمان پاشایه جواباً  
افاده ایتدی . و اودخی الدن طوته رق حین حاجتده چاغیرلدیغنی  
وقت کله چکنه دائر عهد و پیمان آلدی .

ایشته مشروح جمعه کیجه سنه قدر سلیمان پاشانک وقعه  
خیریه نك حصولی امرنده کی تشبثاتی بوندن عبارت ایدی . لیل  
مذکورده سرعسکر پاشا حضرتلری سلیمان پاشایه جمعه ایرتسی  
کونی مکتب حربیه تشریف ایده جکلرینی بیان ایلدیلر .  
فی الحقیقه ایرتسی کونی ساعت بش راده لرنده ایدی که مکتبه  
ورود ایله امتحان ایدلمکده اولان شا کردانی معاینه بیوردیلر .  
وبعد سلیمان پاشانک او طه سنه کیده رک وخامت زمان مذاکراتنه  
کیریشلیدی .

شویله که : حسین عونى پاشا حضرتلری هرايشنده استبداده  
متوجه بر ذات عنود اولوب کندی ایام معزولیتنده دائره  
عسکریه جه وقوع بولان اجرا آتی مقامه عودتنده درجه سنه  
کوره تزییف وقده ایله امکانی مساعد بولدجه تغییر حکمنه  
قیام معتادی ومقتضای مشربی اولوب آنکله متلذذ ایدی .

بوجه دن اولمق اوزره زمان معزولیت مشارالیه سلیمان

پاشا کوردیکی لزوم حقیقی اوزرینه مکتب فنون حربیه نك مدت تحصیلیه سنی فرانسه نك (أقول دوسنسیر) دینان مکتب حربیه سنه توفیقاً ایکی سنه یه تنزیل ایله حکمت و کیمیا و هندسه رسمیه ایله ادبیات عثمانیه درس لرینی کاملاً اعدادیلره نقل ایتمش ارکان حربیه صنف لرینك مدت تحصیلیه سی دوت سنه یه تنزل ایلمش و بو اجرا آدن طولانی خزینة نظامیه یه ده نفع عظیم حاصل اولمش ایدی..

ایشته حسین عونى پاشا زمانه مصادف اولمیان شوا اجرا آتیه مقتضای حکم طبیعت معترض بولمغله مذکور جمعه ایرتسی کونی سلیمان پاشایه: ینه مکتبی آلت اوست ایتمشك حربیه یی ایکی سنه یه ایندیرمشك مقدمه سیله تنسیقات واقعه یی جرجه باشلادی. و بن مقامده بولنسه یدم یاپدیرماز ایدم غیبوتمی فرصت اتخاذا ایتدگده بوایشه کیریشدك دیدی.

سلیمان پاشا دخی: سرزده مقامده بولنسه یدیکز ادله سنی عرض ایله اقتاع ایدر ایدم شمدی همت علیه کزله مکتب حربیه (سنسیر) و مکاتب اعدادیه (لیسه) پروغرا ملرینه توفیق ایدلدی حکمت و کیمیا و هندسه رسمیه کی مکتب حربیه یه تعلقی اولمیان درس لر اعدادیه یه نقل ایدیلوب یالکیز مذکور درس لرک عسکرلکه متعلق مباحثی مکتب حربیه ده تدریس اولمقده در اوروپا مکتب لرینك پروغرا ملری ده عینی بو سیاق اوزرینه مرتب و منتظمدر دیدی.

حسین عونی پاشا جواباً — ایشته بن سرك بو خطا لریكزه  
تأسف ایدرم بزاوروپا لیره قیاس اولنه میز کندی میز اوروپا لیره  
تطبیق لزومی یوقدر دیمسی اوزرینه سلیمان پاشا : افندم البسه  
وعادتمیزی اوروپا لیره تقلید عزم واعتقادنده بولانلردن دكلم  
لكن فطرتجه آنلردن دونمی تركه نقصانی قابلیتمزه حكم  
بیوریلورده آنلرك مسلك تحصیلنه اقتفا ایدهمیه حكمز قضیه سی  
تسام اولنیور خلق سرك درجه ذكاسی آنلره فائقدر دیه بیلیرم  
شوقدر كه سعی وتشویقده حكومتك قصوری وار دیدی .

حسین عونی پاشا ینه قول سابقنده اصرار كوسترمسی اوزرینه  
سلیمان پاشا : هایدی بیوردیغكیز کی اولسونده مكتمك  
سنین تحصیلیه سی مقدمکی تحصیل حكمنجه اوچ سنه قالسون .  
لكن طقسان آلتی سنه سندن اعتباراً مكتب فنون حربیه دن سنوی  
ایکی یوزاللی شا كرد اخراج اولنه جعی جدوللر موجودندن  
معلوم دولتلری اولور مكتب حربیه نك وسعت حاضره سمنك  
ایسه اوچ صنف اعتباریه یدی یوزاللی شا كردی استیعاب  
ایدهمیه جکی میدانده در بو حالدده عادتیمز حكمنجه شمیدین  
فضله قالدجق شا كردانه مخصوص دائرنك انشاسی ایچون  
وضع اساسه باشلاملی كه طقسان آلتی سنه سنه قدر قرین ختام  
اولسون دیدی .

بونك اوزرینه حسین عونی پاشا : به جانم طقسان آلتی  
سنه سنه قدر باقلم عمر دولت باقی اوله جقمی ؟ ینه محمود پاشانك



صدارته کله چې سوزی قوتلشیور مملکت روسیه نك تحت  
تحکم واستیلا سنده قاله جغنده شبه یوقدر سلطان عبدالعزیز  
روسیه مجلوی احوال دولتمده علائم انقراض ووخامت  
کوزلره چارپیور سنده برطرفدن طقسان آلتی سنده  
مکتبدن شا کرد چیمقار مق تصوراتی ایله اوغراشیورسک دیدی.  
سلیمان پاشا ایسه غلبه انفعالات نفسانیه سی حسیه بومثللو  
مباحثه الك زیاده حسیات شدیدیه اوغرار طاقمدن اولغله  
جواباً : سزك اغزیکزدن بومثللو کلامك تفوه وصدورندن  
طولانی تأثر و تأسف ایدرم کورنمکده دیدیکیز وخامتک دفعنه  
زمان و حالک استعدادی مساعد ومقامکزک قوتی کافیدر مراد  
ایدرسه کز بونتیجه وخیمه اوزریمزه توجه ایتمدیدي .

حسین عونی پاشا — نه یاپارسک ؟ الدن نه کلور .  
سلیمان پاشا — اسپانیا قرالیچه سنی وقتیه عسکر خلع  
ایتمیدی ؟

حسین عونی پاشا — ایشته بن دمنجکده سویلدم سزی  
اقناع ایدم یورم بز اوروپا لیره قیاس اولنه مین ایشته خطا کز  
بوراده پک بیو کدر .

سلیمان پاشا — بن بواعقاده دکل وخطا سوزی ظن ایدرم که  
قولکزرک جهتمده قلماز .

حسین عونی پاشا — آجانم اخلاق بوزوقدر طابورلرده برچوق  
کنندی سراینندن تشددیکی ضابطلر وار بونلرله ایش کوریلورمی ؟

سلیمان پاشا — بنده کزه قالیرسه مملکتتمزك اخلاق بوزوقلری  
یا لکز صنف وکلایه داخل اولانلر میاننده در دیه بیلورم هر کس  
ملتک استیصال نجات وسعادت مسئله سنده متفقدر حتی او کندوسنه  
منسوب دیدیککنز آدملرده مملکتتمزك تهاکدن مصونیتی بزم  
قدر آرزو ایدرلر شاید اچلرنده بورالری درک ایتیانلر وار  
ایسه آنلرکده دفعی قابلدر هم ده ایکی اوچ بیکباشی ایله بومسئله  
وجود بولور او یله اعظام ایدیه جک ایش دکلدیر .

حسین عونی پاشا — شمدی اودیدیکک بیکباشیلری طابور  
ضابطانی اوکرنوب آنلرده طابور ضابطان وافر ادینه کندولرینی  
سودرنجه یه قدر زمانلر کچر .

سایمان پاشا — بن سزه مکتب ضابطانندن طابورلره  
بیکباشی ویره لم دیغورم طابور یله بوایشه خدمت ایدر بیکباشی  
بولورم دیورم .

حسین عونی پاشا — اونلر کیمدیر ؟

سلیمان پاشا — اسملرینی شمدی سزه تعیین ایتیم لکن  
او یله آدملرک موجود اولدیغنی تأمین ایدرم ودها طوغریسی  
طاش قشله ده بولنان طابورلر بیکباشیلرینی بوایشه تشریک ایدرم  
استانبولده کی طابورلردن برینک بیکباشیسی دخی مقصد مزه خدمته  
مستعددر لکن خلع وقوعندن صکره یرینه کچه جک ذات ده  
اصول استبداد ایله اداره نی التزام جهتنده بولنور ایسه بوتله کیه  
دخولک هیچ لزوم و معناسی یوقدر هم بنده کر پادشاه اوله جق

ذاته اصول مشروطیتی قبول و امضا ایتدر دکن صکره بیعت اولملیدر دیرم .

حسین عونی پاشا — پک اوقدر ایلری کیدلمز سه ده حالمزه مناسب بر قونستیتوسیون لازم اولدیغنی بنده معترفم و مطلقاً اولیه بر شی یاپارز ذاتاً آرتق بوفیکرک اجراسنه مانع قالمز که ... سلیمان پاشا — اصول استبدادک العاسی شرطیه و جناب حقک عون و عنایتنه مستنداً بو ایشی درعهده ایدرم .

ایشته سرعسکر پاشا کرک صدراعظم محمد رشدی پاشایی و کرک شیخ الاسلام خیراه افندی بی بوندن صکره کورده رک مسئله خیریه حقنده بیلرندده اتحاد و اتفاق حاصل اولدی .

اتفاقات غریبه دن و جهله مبشرات معنویه دن اولق اوزره بر کون اول یعنی جامدی الاولینک اوچنچی جه کونی شیخ الاسلام خیرالله افندی ایله سلیمان پاشا میاننده فتره آتیه عجیبه ظهور و تگون ایتشیدی . شویله که : سلیمان پاشا معارفک افراد ملت آره سنده انتشارخی کمال تهالکله تنی ایدر ایدی . واقعا مکاتب رشدیة عسکریه بی و منشأ معلیمی تأسیس ایله انبای وطن بیننه نشر علوم مقتضیه ایچون بر اصول سالم وضع ایتش ایدی . فقط ملت اسلامیة نک معارفه تأمین استقبالی علمای اسلامیة نک علوم ریاضیه و حکمیة ده اکتساب ترقی و تقدملرینه مشروط اولدینی اعتقادنده بولندیغندن جوامع شریفه ده علوم آتیه و عالیة تدرس ایدن طلبیه قدامای علمای کرام حضراتی کبی هر فندن بهره دار اولدق یتشملری عزیمیه علوم ریاضیه و طبیعیة کوسترلسنی فوق العاده آرزو ایدر ایدی ، شیخ الاسلام خیرالله افندی نک شهرتکیر اولان غیرت وطنیه و ملیه سندن بالاستمهاده طایفه علومی بومسلك تحصیله سوق ایچون سلیمان پاشا مشارالیه مراجعتی عزم و تصوریدر . و ساحلخانه لرینه کیدرک عرض مهام ایچون خیرالله افندی



حضرت تلیله معارفه سی اولان داشو ارا باش کاتبی سعید افندیڭ پنجشنبه کونی  
مرافقتی رجا ایلم .

ایرتسی کونی که سلطان عزیزک الک صوک سیلامنی در رسم معتاد  
اورته کوی جامع شریفنده اجرا قلنمش ایدی . بعد الصلاة سلیمان پاشا  
سعید افندی ایله بولشهرق خیرالله افندیڭ ساحلخانه لینه کیتدیلم .  
لکن نه سلیمان پاشا خیرالله افندی بی ونه ده خیرالله افندی سلیمان پاشایی  
طانور ایدی . او وقته قدر کوروشمه مشلم ایدی .

سلیمان پاشا سعید افندی ایله برلکده او طه قپوسندن ایچرو کیر  
ایکن مشارالیه یرندن قالقهرق : بیورک بک افندی و والله  
سزسکز پک غریب سوزلریله وکل حیرتله سلیمان پاشایی استقبال  
ایتدی . سعید افندی سلیمان پاشایی : مکاتب عسکریه ناظری سلیمان  
پاشا دیوتقدیم ایتدی . اوتوردیلر . خیرالله افندی حضرتلری  
بلا تأمل بن پک آز رویا کوررم وپک خاطرمده قلمز . او قدر  
اهمیتده ویرم . لکن بویجه کوردیکم رؤیا پک غریب و جالب دقت .  
باخصوص رؤیاده کوردیکم ذاتاً عیناً ظهوری و بورانی تشریفی نوادر  
اتفاقیه دن ... آنک ایچون بکا فوق الحد وله وحیرت کتوردی دیه رک  
نقل منامه ابتدار ایتدی .

دیدکی که : کویا بن روضه پاک رسول اللهی زیارت آرزوسیه ینبوع  
ساحلنه چقمشم و قرب مدینه حضرت رسوله یاقلاشمشم . لکن ذهن  
وفکریمه برحیرت استیلا ایدرک تدبیر واختیاری سلب ایتمش . متحیر  
وسرسام برکناره زمینده پاسته آرامم ... کویا که ظهورات غیبیه  
مترقب ونکرانم ... بن بوغانم وله واستغرافده مست لایعقل عشق  
خدا و رسول ایکن برده ( بوراده نه طور بیورسک؟ قالی سکا روضه  
مطهره فخر الانبیایی زیارت ایتدیریم ) دیه رک بر ذات یانمه کلدی .  
و کربانمدن طوتهرق بنی قالدیردی . مشتاق اولدیم مرقد منور حضرت  
رسول القلینی کوستردیکی کبی اوکمه دوشه رک خارج و داخل مدینه ده  
بولان سائر اماکن مقدسه بی دخی زیارت ایتدردی . بو زیارتدن حاصل

ایتدیکم ذوق وجدانی وشوق وشادی روحانی ایله الآن اوقدر مثله ذوق و فریحم که مدت عمرمده بویله برکشایش درونی طویئامشیدم . دلیلم اولان ذات ایسه اشته بو پاشا حضرتلری ایدی دیوب دقتلی دقتلی ونکرار تکرار باقهرق : والله سز ایدیکز . بقیلری یوزی عینیه سز ایدیکز دیر . سلیمان پاشا دخی : بوکون زیارتدن مقصدی طلبه عالمک فنون ریاضیه وطبیعیه دن برنبذه تحصیل ایتلرینه موافقت سنیه لرینی تمی اولوب مکتب نظارتنده بولندینی جهتله قبول بیورلندینی حالده معلم وسائره تدارکی ایچون ایفای لازمه معاونت ایده جگنی وسایه جلیلرنده بو امر خیره وصول ملت اسلامیه ایچون بر باب سلامت وسعادت کشاد ایده جکندن وذات عالیلرینی شخصاً بیلمدیکی حالده مجرد بو نیت خالصه ومقدسه سنی عرض ایچون کلدیکندن معروضاتنک تنفیذ حکمی تقدیرنده رضای حضرت خدا ورسول استحصال ایداش اوله جفته حکایه بیوردقلری اشارات منامیه دلیل کافی اولدیغنی ودالات عاجزانه سنک مشروعییت واقدسیته بوندن واضح برهان معنوی اوله میه جغنی عرض ایدر .

خیره افندی حضرتلری سلیمان پاشانک معروضاتی تقدیر وتصدیق ایله بوبابده بر پروگرام تنظیمی سپارش ومعاونتی طلب ایدر . بر آرزوها مکالمه دن وحالات جاریه مؤسسه اوزرینه بعض مرتبه مشکیانهمدا کردن صکاره سعید افندی ایله برانکده قالفارلر کیدرلر . حال بوکه بورؤیانک مدلول ومصدق ایتسی کونی حسین عونی پاشا ایله سلیمان پاشا آره سنده تیمناً ویریلان قرار مقدسک نتیجه متبرکسی اولان صالی کونی وقعه خیره سی ایش که سلیمان پاشا وقعه جلیلاشه مذکورنک دال وفاعلی اولوب ذات حضرت شیخ الاسلامی دخی فتوای شریف خلع سلطان ایله آنک دالات ایتدیکي اثر مستقیمه اقتدا واتباع ایلدی . سلیمان پاشا بالما سبه شیخ الاسلامه کیتدیکینی ومشارالیهک بوزمینده بر رؤیا نقل ایلدیکینی حسین عونی پاشایه حکایه ایلدی . حسین

عونی پاشا ایله خیراد افندی بیننده ذاتاً منسافرت اولدیفی کبی  
 حسین عونی پاشا طبعاًده خودبین و مستهزی اولدیغندن سنی  
 آداتمش و او رؤیای ده اویدر مشدر سوزیله اهمیت ویرمدی .  
 سلیمان پاشا : بجه ذاتاً معارفه سی یوقدر و قپودن دهالچری  
 کیرر ایکن کمال تحیرندن حکایه منامه باشلادی ظن ایدرم که مصنوع  
 دکدر حیتمند برذاته بکزیور اعتقادجه حتی بوایشی کنديسنه  
 آچسنه کز بلکه اوده اشتراك ایدر و ایدر سه مقصدمز پک  
 مشروع و ناقابل تعریض صورتده تیسر نمای حصول اولور  
 سوزلریله رد جواب ایلدیسه ده حسین عونی پاشا صورت ظاهرده  
 مسامحه کارانه طورانه رق بحث آخره نقل کلام ایلدی .

ظن اولنور که حسین عونی پاشانک مؤخرأ خیر الله افندی  
 حنضر تریله وفاق و اتحادی بومصاحبتک جهله تأثیراتندن اولدرق  
 وقوع بولان ملاقاتدن منبعث اوله .

ایرتسی بازار کونی آقشامی ایدی که حسین عونی پاشا سلیمان  
 پاشای آراتوب کیتدیکی محل دخی معین اولدیغندن مکتب فنون  
 حربیه و اعدادیه ایله خانه سنه و صدراعظم محمد رشدی پاشا ایله  
 دفتر خاقانی ناظری یوسف پاشانک ساحلخانه لرینه و ده باض محملره  
 مخصوصاً یاورلر و چاوشلر کوندردی . پاشای مشارایه ایسه  
 ساعت یارمه قدر اجلاسندن عیادتنه کیتدیکی برخسته نك تزدنده  
 ایدی . دار شورا چاوشلرندن بری ده کلوب اوراده بوله رق  
 سر عسکر پاشانک ساحلخانه سنده بکله مکده اولدیغی امرینی

ویردی . پاشای مومی‌الیه دخی واپور وقتی کچمش اولدیغندن  
 بشکطاشه‌قدر کلهرک اورادن برقایغه را کباً اسکدارده پاشالیمانده  
 ساحلخانه سرعسکری به چیقدی . بعدالملاقات صدر اعظمه  
 کوروشلیدیکنی و شیخ الاسلامک وقاضیعسکر قلبه‌لی خلیل افندی  
 ایله شروانی احمدافندینک دائره اتفاقده بولندیغنی بیان ایتدی .  
 و بازارکونی سلطان عزیزک یلدز کوشکنه کیمسی محتمل اولدیغندن  
 سلیمان پاشانک برطابور آلوب کوشکی محاصره اینسی و یانسه  
 اون‌یش قدر روولورلو ضابط آله‌رق یاننده طوروب تهدیدایتمسی  
 و او مدت ظرفنده سلطان مرادک سرایدن آله‌رق طوپ تپو  
 سراینه کوتوریلوب اوراده کندوسنه بیعت ایدلمسی و شاید  
 اوکون یلدیزه کیدیش اولمزسه بر بلوک سواری ایله سلطان مرادی  
 دائره مخصوصه سندن آلوب سرایکده جوانی طابورلر ایله  
 احاطه اولنسی قرارینی سویلدیسه ده سلیمان پاشا بوتدیرک مخوف  
 و غیرقابل اجرا اولدیغنی درمیان ایلدی .

مکر بوقرار ایکی سنه مقدم صنف وکلادن بعضلرینک اتحاد و اتفاقیه  
 تشکل ایدن هیئت خفیه لقلیه‌نک جماعت تدابیر سخیفه سندن ایمشده حسین  
 عوننی پاشا خاطر نشانی اولان بوقرار نا معقولی موقع فعلاً قویق  
 استه‌مش .

سرایدن بر بلوکه آلوب کتمک دغدغه‌نی موجب اولور مطالعه‌سی  
 بحریه ناظری قیصرلی احمد پاشا طر فندن درمیان اولندیغنی کبی ردیف  
 پاشا و سلیمان پاشا دخی مطالعه مذکوره‌نی نظراعتنایه آدیلر .



دشمنلره بروسيله استفاده چيقاريلور خدشه لري دوشونلدي .  
وردیف پاشا بازار کوننه قدرایشک ترشح ایتک احتمالی درمیان  
ایله هان چهارشنبه کونی و اینکه صالی کونی اجرایه قیام اولمسی  
لزومی ادا و ذات سرعسکری آراق صالی اولمز دیه رک چهارشنبه  
مجلس خاص کونی اولدینی جهته اوکونه تبدیلی و صدر اعظمه  
شیخ الاسلامه آکا کوره خبر ویرمسی لزومی کوستردی .

نهایت - چهارشنبه کونی سلطان مرادک آرابه سنه بینوب  
طوپ قپو سرایندن صرف نظرله قیصرلی احمد پاشانک رأی  
اوزرینه باب سرعسکری یه کلسی و سرایدن چیمدینی خبرینی  
سلیمان پاشا نوبتجی برقادینی برضابطله بعد الاستخبار طابورلری  
آلهرق اینوب سرایک اطرافنی قوشاتمسی و دار شوراریسی  
ردیف پاشانک ده عمومته قوماندان بولمسی - قراری ویرلدي .  
سرعسکر حسین عونى پاشا بو قراری ذات صدر اعظمی  
ایله شیخ الاسلام خیراه افندی یه عرض ایلدکده شیخ الاسلام  
افندی - چهارشنبه کوننک تقویمده مندرج اختیار اتنده  
( حذر از ابتدا ) یازیلو بولندینی جهته متوکلاً علی اه صالی  
کونی اجرا اولمسی - رأی ویرمسیله ترار مصلحتینه دیکشمش  
ایتمش ..

بازار ایرتسی سباحی ایسه سلیمان پاشا هنوز صالی کونی  
اجرای مقصده قیام اولنه جغنی خبرینی المقمزین بوجه مشروح  
اولجه سوزلشمش اولدینی خاصه بشنجی طلیعه طابوری

بيکباشی عزت افندی نی قشەدن چاغەردق چەارشنبە کونی مقصدە اشبث اولنە جغنه دائر معلومات ویرمش وطاش قشە ایلە سالاحخانە قرە غولندە موجود اوچ طابورک ضابطانی میانندە مشکوک الحال بولانلارک سریعا بردفتیرنی استمش ایدی. مومی الیه بیکباشی عزت افندی اون ایکی قدر ضابطک احوالی کندوسنجه مضبوط اولدیغنی بالیان تنظیم ایتدیکی پوصله نی طابورینک برنجی بلوکی یوزباشیسی نجیب بک ایلە مکتب حریبە کوندردی ونجیب بکک محرم اولدیغنی دە تذکرە سندنە بیان و اشارت ایتدی .

سلیمان پاشا بو پوصله نی آلدق دن صکرە مومی الیه یوزباشیدن عندالاستفسار طابورلر نرزدندە جیخانە اولدیغنی آکلادی. مکتب حریبە دە دە ذاتاً شنایدرتفنک لریلە روولورلرک وطوپلرک جیخانە لری اولیوب یالکز ونجستر جیخانە سی بولندیغدن داخایە میرآلای احمد حفظی بکی چاغەردق حسب الزوم تفنک وروولور وطوپ جیخانە سی جلب اولنە جغنی بالیان طوپچی قول آغاسی رفیق افندی نک سریعا جیخانە اخدی ایچون چوبان چشمه ستنە کیتیمی وکیجه ساعت برە طوغری قشە دە بھمە حال جیخانە نک بولنمی امرنی ویردی. وطابورلر ایچون جیخانە استمک و مشکوک الاحوال ضابطانک پوصله سی تقدیم وبشکطاش جیتی قوماندانی میرلوا ادهم پاشا ایلە طاش قشە دە بولانن میرآلای امین بکک دخی تبدیل محل ایللری لزومنی عرض ایلک

ایچون باب سرعسکری یه کتمک اوزره ایکن بر سرعسکر چاوشی کلرک سنی سرعسکر پاشا استیور دیوسلیان پاشای چاغردی . پاشای مومی الیه دخی ذاتاً حاضر بولندیغندن طوغریجه باب سرعسکری یه کیتدی که تقریباً ساعت یدی راده لرنده ایدی . سرعسکر پاشا قرارک صالی کوننه تحوانی و کوندوز ساعت بشده اجرا اولنه جغنی کندوسنه تبلیغ ایلدی . و هایدی کیت مدحت پاشایه بویولده معلومات ویر او مراد افندی حضر تلرینه مخابره ایدیور صورت قراری عرض ایتسون دیدی .

سلیمان پاشا مدحت پاشانک قوناغنه کیدرک صورت قراری تبلیغ ایلدکده مدحت پاشا : شیخ الاسلام افندی بکا بویولده خبر ویرمدی بهمه حال سرعسکر پاشا بر بلوک سواری ایله افندی دائره سندن مراد افندی بی آلهرق باب سرعسکری یه کوتورمایدیر و مراد افندی ایله بن مخابره ایتیمورم ضیا بک ایدیور اوده بوراده در چاغره یمده خبر ویرسون دیدی . و آنک اوزرینه کیتدی بشقه اوطه دن ضیا بکی آلدی کتوردی .

سلیمان پاشا صورت قراری ضیا بکده تفهیم ایتیمی اوزرینه ضیا بک : مراد افندی حضر تلری ظن ایدرم که بوصورتی قبول ایتزلر مع مافیه بن طوغریدن طوغری یه مخابره ایتیمورم دو قور قاپلیون واسطه سیله خبرلشیورم باقلم قاپلیونی جلب ایدلم وافندی حضر تلرینه خبر کوندرلم دیدی .

بونک اوزرینه سلیمان پاشا مدحت پاشانک قوناغندن حقیقه رق

باب سرعسکری یه کلدی و جریان ایدن سوزلری حسین عونى  
پاشایه حکایه ایلدی . حسین عونى پاشا مدحت پاشانك قولنى  
رد ايله مراد افندى حضرتلرينك ساعت بشده سرای هایوندن  
چيقملرى لزومنده اصرار ایلدى .

بو اثناده كرك مراد افندى حضرتلرينك وكرك سائر سلطان  
مجيد شهنزادكاننك سر ایدن خارجه چيقوپ كشت وكذارلى منع اولمش  
ايدى . وقعه دن يالكز ايكي كون اقدم مراد افندى حضرتلرى حقننده  
[ استرلسه جامع شريفه فلانه چيقسونلر وكزنسونلر ] كې براراده  
ظهور ايتدى . بونكه برابر مشاراليه حضرتلرينك و برادري حميد افندى  
حضرتلرينك منسوبانندن برقاچ كشينك نفى دخی دردست اجرا ايدى .

سليمان پاشا مدحت پاشانك قوناغنده بولنديغى صروده  
سلطان عزيز طرفندن سرعسكر پاشايه ياور مخصوص كلهرك  
يا آقشامه ويا صباحه افندمز سزى ايستيور ديه برخبر كتوردى .  
بو امرك ورودى اتفاسقك انحلالى ومسئله نك طويلديغى

واهمه لرinx اشراب ايدرك خيليجه اضطراب حاصل اولديسه ده  
ينه مستعينا باه ذره جه قور كتورلمدى . سليمان پاشا بتكرار  
مدحت پاشانك قوناغنه كيدرك حسين عونى پاشانك سوزلرينى  
عرض وبيان ايتدى . مدحت پاشا ايسه سرايدن كيدوب  
عسكر ايله آتقندن بشقه چاره اولمديغى ينه ادعا  
ايدوب اوصروده آرده واسطه بولان قابليون دخی كلدى .  
سلطان مراد حضرتلرينك اويله جه چيقوب خود بخود  
باب سرعسکری يه كیده ميه جكنى و كيتمك عزمنده اولسه لر بيله



سلطان عزیز طرفدن مخالفت کوسه تریکی حالده بهمه حال  
ینه عسکرله آلق لازم کله چکنی بیان ایتدی . و کندولرینک  
سزک تدبیر کزوجهله چیتوب جلوس ایتسی اوروپا نظرنده دخی  
شخصلری ایچون چیرکین کوزونه جکدر هم ده افندی حضرتلری  
(بن برکده سرایدن آلدقدن صکره آرق بردها ایچرویه کیریم)  
دیورلر بورالری ده مطالعه ایدیکز دیدی .

سلیمان پاشا بزم سلطان عزیزک شخصه هیچ برغر ضمن یوقدر  
بلکه کندولرندن شخصی اوله رق لطفده کوردیم . مراد افندی  
حضرتلرندن ده شخصی بر منفعت طلب وقیدنده دکلیم بو ایشه  
مجرد ملتی کورینن خطر وتهلکه دن قورتارمق ایچون تشبث  
اولنیور کندیلری ده افراد ملتدن درلر بز یوقدر فدا کارلق  
کوستریورز بر قسمنی ده آنلر درعهده بیورسونلر دیدی .

قاپلیون ایله برابر مدحت پاشا وضیابک ینه عسکرک کلوب  
مراد افندی حضرتلرینی سرایدن آلمسی بحشده مشترکاً ثبات  
ایتدیلر . سلیمان پاشا کوندوز ساعت بشده کلوبده سرایدن  
افندی حضرتلرینی آلوب چیقارمق پک مخوف و مخاطره لیدر  
بو مخاطره یه قارشو مقصده نائلیتدن صکره ملت ایچون نه استفاده  
توجه ایده جک ؟ بکا قالیرسه افندی حضرتلری شمیدین  
مشروطیت اداره یی دخی تعهد بیورملیدر دیدی .

مدحت پاشا دخی بو قولی مؤید اوله رق اوت مرادیمز  
بر دسپوتی قالدیروب یرینه بر دیکر دسپوت کتورمک دکلدر

البته بویله اوله جقدر جلاوسلری آئنده بر خط هایون نشر ایدرلر او آرزو حاصل اولور دیدی .

بونک اوزرینه سلیمان پاشا سر ایدن صیزلیتسزجه حقیقمق ممکن اولدینی حالده اولو جهله حقیقه سی واوله مدینی تقدیرده بالضروره قوه عسکریه یله حقیقارلق لازم کله جکندن کیفیتی آکلایه رق آکا کوره طور اتمق ایچون موسیو قاپلیونک بشکطاشده حمام صره سنده اجزاخانه عثمانیده اوتوروب کندیسنه کوندریله جک مکتب حریبه معلملرندن بیکباشی کمال افندی به تعیین قلنان پارولانی ویردکن صکره تفهیم حال ایلمسی اخطار و تأکید ایتدی و تکرار باب سرعسکری به عودت ایلدیسده سرعسکر پاشایه باب سرعسکری میدانده تصادف ایدرک آلدینی امر اوزره آقشام ساحلخانه مشارالیه کتدی . خاصه مجلسی اعضاسندن میر آلالی حاجی راشد بکه [۱] دخی هیچ برسر رشته ویرمکسزین ساحلخانه مذکوره کلمسی تنبیه ایتدی . او آقشام ایکسی بر لکده مابین دردنجی کاتبی سلیمان بکه مدعو اولدقلرندن موسی الیه دخی مانع شرعیلری ظهور ایتدیکندن بمثله دیگر آقشام کله جکلرینه دائر خبر کوندردیلر .

[۱] حاجی راشد بک بالآخره فریقکله ۱۲۹۳ عثمانی روس محاربه سنده اناتولی جهتمده بولمنش اولان فریق حاجی راشد پاشا مرحوم درک بعد الحاربه بالکسره نفی ایدلمش واوراده ا کمال انفاس حیات ایلش دره .

مرحوم مشارالیه اعیان رئیس ثانسی احمد مختار پاشا حضرت تلرینک قان برادری ایدی .

آقسام طعامدن سوکره سرعسکر پاشا وردیف پاشا و سلیمان پاشا بریره کلدکلرنده سرعسکر پاشا کندوسنه بریاورمخصوص دهاکلهرک مابیندن ایستلدیکنی و یارین کلیرم دیدیکنی بالهکایه بو ایشک طویلدیغندن اظهار تلاش ایتدی. آنک اوزرینه طویلویده امر بر عکس اولدیغی تقدیرده درویش پاشانک سر عسکرلکی اغلب احتمالندن اولغله بو حالده نه یولده طورانلق لازم کلهجکی موقع بحث و تذکره قونلدی.

خلاصه قرار: درویش پاشانک سرعسکرلکی بوکیجه اجرا اولندیغی و اتفاق واقع دخی طویلدیغی تقدیرده باب سرعسکرلییه و یاخود طاش قشایه کلهرک کندولرنجه بالطبع برطاقم تدابیرده قیام ایده جکندن بو حالده اول امرده آنک توقیفیه بعده هر نه مشکلات ظهور و تقابل ایدرسه ایتسون آرتق فتور کتور مکسرین همان اجرای مقصده قیامدن عبارت اولدی.

ردیف پاشا ایله سلیمان پاشانک کوسه تردیکی ثبات و اصراره طویلدق و اهمه سی دخی انضمام ایتدیکنندن حسین عونی پاشاده آرتق ساعت بشده ایشه تشبث قرارندن عدول ایدرک علی السحر ساعت طقوزده اجرا اولمنی رأیی تصویب ایلدی. کرک حسین عونی پاشانک و کرک وکلای سائرهنک کوندوز ساعت بشده وکلا واپورنک استانبوله ورودندن صکره و مجلس خاصک انعقادی کونی بوایشه ابتدار رأینده بولملری شاید امر برعکس اولورسه ( برطاقم حریفلرینی وطنیان ایدرک عسکرلی ده تحریک و اغفال ایتشلر بزم بوندن خبر و معلوماتن یوقدر حتی بزعل العاده مجلس مذاکراتیله

مشفوعول ايدك ) ديك وماده خلغ وقوعندن صكره دخى سلطان عزيزك طرفدارانى ظهور ايدر وحقمزده برسوء قصد اتفاق حاصل اولور خوفندن ناشى برى الزمه كورونيك مقصدلرینه مستند ايدى . حتى سلطان مرادك اجلاسى وسطان عزيزك خلى زمانه قدر صدر اعظم محمد رشدى پاشا ايله بالجه اعضاءى مجلس خاص بوايشتن بى خبر كورينوب زعملرنجه تبدل سلطنت خبرى باب على به كله جك ومحمد رشدى پاشا دخى بونك اوزرينه قيام ايدرك خلعه وجوب ترتب ايتش اولديغنه دائر مختصر برنطق ايرانيه وكلا نامنه اولدق تبدل سلطنتى تصديق ايده جك ايدى . لكن حسين عوفى پاشانك طويلدق واهمه سنه اتباعى واجزا مأموريتنى عهده كار بولنان سليمان پاشانك دخى [ على السحر اولز سه بوايش نتيجه بولز ووخم اولور بنده تعهد ايدم ] ديوكو سترديكى اصرار بوايسته ذيمنخل وكلاى ثلثه معلومه نك تدابير غير معقوله بنى حكمتى براقدى .

اتفاقات غريبه دن اوله رق ادر نه ده بولنان فریق شوكت پاشا (۱) نك برادرى ابراهيم بك او آقشام ساحلخانه سر عسكر يده مسافر اولوب بعد الطعام ديكر او طه ده برمد تحك اوتوردق دن صكره وداع ايچون سر عسكر پاشايه كلدى وبشكطاشه طوغرى كيتدى . مكر مير موسى الهمى المقى ايچون مابيندن اوچ چفته قايق كاش ايتش .

بونك اوزرينه وهم بتون بتون تجسم ايدرك ابراهيم بكك جاسوس اولديغنه بوراده بولنانلرك تحقيق حالى واخبارى ايچون كلديكنه آرتق حكيم اولدى واو صر دهده ساحلخانه او كندن كچن برتر سانه صندالى دخى جمله بنى اور كوتدى ايسه ده هله قوزغو نوجغه طوغرى كيدرك بر آزار الشراح ويردى .

[ ۱ ] اليوم اعيان اعضا سندن بولنان شوكت پاشا حضر تلى در .



مع مافیه مطلقا طویلدق اعتقادی سرعسکر پاشا وساره  
 بیننده جایگیر اولوب و اوصردده سرعسکر پاشا ایچرو طیشاری  
 حقیقه رق نه یایمق لازم کله جکی قرارنده تردد کوستردی . وردیف  
 پاشا و سلیمان پاشانک بولندینی قره طرفنده کی او طیه کله رک اتفاق  
 طویلدیغنی ادعا وردیف پاشا دخی مدعای تأیید صورتنده بسط  
 مقال ایله آرتق الدن کلانی یایمقدن بشقه چاره قالمدیغنی جواباً  
 بیان و سرعسکر پاشا دخی قول مذکور ی تأیید و تصدیق ایلدی .  
 بونک اوزرینه سلیمان پاشا افندم لقردی ایله اضاعه وقت ایتیم  
 بکامساعدایدیکیز: بر کره طاش قشله یه کیده یم عسکری کور دیم  
 احوالی تحقیق ایدیم و مطلقا عسکرک باشنده بولنه یم مقام  
 سرعسکری تبدل ایتیش و یا خود کیفیت طویلش ایسه یقانی  
 قورتارده میه جغمزدن ایجابنه چابالارز بن طاش قشله ده و یا خود  
 مکتب حربیه ده یم بدن هر صورته اخذ معلومات ایده بیلورسکز  
 انشاء الله بورالره هیچ حاجت قالمق سزین سرائی احاطه ایدرک  
 مقصدی حاصل ایدرز دیر .

آنک اوزرینه سرعسکر پاشا استانبولدن طابور جلبنی تخطره  
 دارشورای عسکری اعضاسندن او آقشام ساحلخانه ده بولنان  
 باجناخی میرلوا حسین پاشانی [۱] جلب ایله باب سرعسکریدن بر طابور

[۱] بو حسین پاشا اکیلی و قصاب زاده اولدینی جهته قصاب عنوانیه  
 ملقب اولوب عسکر و سرستانده جانات کوستردی کی بودفعه اردهانی  
 دخی روسیه لویه تسایم ایدن فریق حسین صبری پاشا در .

(المحرره)

عسکر کتورمسنی امر وتنبیه ایدر . مومی الیه حسین پاشا بو  
امرك صور اجراییه سنده اظهار تردد و کندوسنده قوماندانلق  
صفتی بولمديغی جهتله عسکرک امر مذکورى اصغا ایده چکی  
مجهول اولديغی افاده ايله بیان عجز ایتدی .

سلیمان پاشا حسین پاشایى کل بورایه دیوچاغروب قارشوسنده کی  
صندالیه یه اوتورده رق: باب سرعسکرى یه کیت مرکز قوماندانی  
میرلوا مصطفی سیفی پاشایى بول و آکا « سن سلیمان پاشا ايله برعهد  
ایتمشک آنک کیجه سی بوکیجه ایتمش عسکرى آلسون کلسون »  
دیور دیو سویله اوکلور دیدی .

بو سوزدن اوزرینه حسین عوفی پاشا تعجیله برابر سلیمان  
پاشانک ویردیکی تأمینات اوزرینه استانبولدن کله جک عسکر ایچون  
قناعت حاصل ایتدی .

سرعسکر پاشا او آقشامینه ساحلخانه ده بولنان میرلوا موسیو نجیب  
پاشایى [۱] جلب ايله طرابیه و بیوکدرده بولنان تاغرافخانه لرك  
ساعت طقوزدن بدأ ايله طوپ آتیلوب رسم بیعتیه ابتدا قلنجه یه قدر  
طوتلسی تنبیه ایتدی . نجیب پاشا یالکیزباشنه بوایشک بجرلمی  
ممکن اولدیه جغنی عرض ایلسی اوزرینه او جوار قره غولارنده کی  
طابوردن عسکر آلسنی تنبیه ایلدیسسه ده طابور بیکباشیدنک  
خبری اولوب اولمديغی سؤال و یوقدر جوابی اوزرینه عسکر

---

[۱] بوپاشا بالاخره پدر مرحومک محاکمه سنده مدعی عمومیلک  
رولى ایفا ایدن فریق نجیب پاشادر .

کمز وشاید برخالف ظهور ایدرسه نه پاللق لازم کله چکنی  
استجواب ایتدی. بونک اوستنه سلیمان پاشا: استینه قره غولنه کیت  
اوراده یوزباشی خلیل آغا [۱] وارد آکا «خی سلیمان پاشا کوندردی  
وبلوکنی سلاح باشنه ایدوب بنمله برابر کیده جکساک» دی او بنم  
اسمی ایشیتدیکی کبی عسکری آلور سزکله تاغرافخانه یه کیدر  
وطوتار وهر بر امرکزی اجرای ایدر دیدی.

اشته ایشک بوجهتی دخی حاصل اولدقدن صکره سلیمان  
پاشا بتکرار کندنجبه تدارکات ایجابیه تشبث ایتک اوزره  
قارشویه عسکرک یاننه کچمکالکینه طلب رخصت ایلدی.

سرع سکر پاشا بر آز دها تعویق ایله عجب آشاغیده بولنان  
میرالای طیار بکده آچسحق اولورمی؟ او مراد افندی خضر تلرینک  
حرمدن طولایی کندی آدمی صاییلور دیوب ینه طیشاری  
چیقدی وعودتده طیارک آوکنی آچهم دیدمسهده اورالرده  
دکل دیدی. و سلیمان پاشایه خطاباً: سن میرالای راشد بکه  
هیچ بواشی آچدمکی؟ دیمه یله سلیمان پاشا خیر آچدم لیکن  
حاجت یوق شمدی سویلدیکم کبی او بنمله برابر کلور ایسترسه کز  
چاغر کزده سزسویامک دیمسی اوزرینه حاجی راشد بک چاغریله رق  
سر عسکر پاشا وخامت انجامدن و صرف حمیت زمانی کلدیکندن

[۱] بالاخره نازلی ردیف طابوری بیکاشیمی اولوب نازلیده اجل  
موعود یله وفات ایدن خلیل آغادرکه الیوم افغانستان امیری خضر تلرینک  
معیترنده مستخدم اولان فضلی افندی آنک مخدومی در.

و کندوسنک غیرت ملیسه سی اوتهدنبرو معلوم اولدیغندن  
 و پادشاهك خلعتنه آرتق وجوب ترتب ایتدیکندن بخله سلیمان  
 پاشا ايله بولنسی لزومنی درمیان ایلدی . حاجی راشد بك دخی  
 مع الافتخار بو خدمته بولنه جغنی و ذاتاً پاشانك امرینه تابع  
 اولدیغنی جواباً افاده ایلدی .

آندن صکره سلیمان پاشا آرتق بزه رخصت ویرکز  
 سوزنی تکرار ایلسیله سرعسکر پاشا دخی بنده صدر اعظمه  
 کیدهیم ساعت طقوزده بوایشه ابتدار اولنه جغنی خبرنی ویرهیم  
 ذاتاً بوکیجه ساعت درنده نتیجه قراری آلمق اوزره بنی  
 بکلیه جکدر اورادن ده شیخ الاسلامه اوغرام و آنلری آلور  
 بزم یالی یه کتوررم دیدی . و سریاور مصطفی بکی چاغره رق  
 سنده کیت مدحت پاشایه و بحریه ناظری قیصرلی احمد پاشایه  
 معلومات ویر مدحت پاشا ساعت طقوزی کچهرک طوغریجه  
 باب سرعسکری یه کلسون و یا خود بورایه کلسون ده باب سرعسکری یه  
 صکره کیدلسون قیصرلی احمد پاشا دخی بر موجب مقاوله  
 تدارکات لازمه ده بولنسون دیدی .

چونکه اوکونی کوندوزین قیصرلی احمد پاشا باب سرعسکری یه  
 کلشیدی . و اولنان مقاوله حکمنجه مراد افندی حضرتلری باب  
 سرعسکری یه کلوب بیعت اولندیغنی کبی حریق قله سی بر اشارت  
 چکهرک او اشارتی کوردیکله بالخله سفین امیره طونانه جق  
 و قره غول کمپسی طوپ انداخت ایتمه باشلیوب برنجی طوپنی ایشیدر



ایشتمز ذاتا منتظر طوران مکتب حریه طوپی شسا کردانی  
دخی ابکنجی طوپی آته جق بووجهله یوز برپاره طوپ انداختیه  
رسم بیعت اعلان اولنه جق ایدی .

قیصرلی احمد پاشا امرای بحریه دن قوماندان میرلوا عارف  
پاشایه بو بخی آچه رق افشای راز ایتیمه جکنه شرط ایتدرمش  
وپاشای مومی الیه دخی بن اون بیک غروش معاش آلیردم  
هیچ بر مضایقه م یوقدر ادعا شخصی اولمیوبده سلامت ملت ایچون  
اولدینی تقدیرده بو اتفاقه داخل اولورم دیمش و او مقصد اوزرینه  
سوز و یرمشد .

حاصل کلام سرعسکر پاشا میر آلائی مصطفی بکده لازم  
کلان او امری و یرد کدن صکره سلیمان پاشا و حاجی راشد بک  
و مصطفی بک ساحلخانه دن چیقه رق اسکدار اسکله سنه قایق  
تدارکته کیتدیلر و میرالای مصطفی بکک بولدینی ایکی چفته بر قایمه  
اسکدارک بشکطاش اسکله سندن دردی بر لکده سلیمان پاشا ایله  
حاجی راشد بک طو پخانه و حسین پاشا ایله مصطفی بک باغچه قیوسی  
اسکله لرینه چیقمق اوزره را کب اولدیلر .

قایق آچلدن صکره حسین پاشا سلیمان پاشایه تداییر  
و تدرکاتک نه یولده اولدینی سؤال و اودخی یالکیز بشنجی طلیعه  
طابوری بیکباشیدی عزت افندینک بر آرز معلوماتی و ارسده ده  
یارین ساعت طقوزده اجرا اولنه جغندن آنکده بی خبر بولدینی  
و دیگر بیکباشیلره هنوز بویولده برشی آچلمدینی افاده ایلدی .

حسین پاشا و همه ذهاب ایله کیدیم صدر اعظمک ساحلخانه  
سندھ سرعسکری پاشانی بولوب خبر ویردیم. بواشی بر آرتاخیر  
ایسئون دها میداند هیچ برشی یوقش دیو تلاش کوستردی.  
سایمان پاشا ایله حاجی راشد و مصطفی بکارک کوستردکلری مکان  
تأثیری اوله رق تلاش مذکور اهمیتدن قالدی و فایقده قایقجیلرک  
غلطی اوزرینه صالی بازار ی اسکله سنه واصل اولدی .

اوصردده حسین پاشا سنه و همنی تکرار ایله ساحلخانه صدر  
اعظمی به کیدرک فراغت مصلحت تکلیفی اتمک نیاتی در میان  
ایسی اوزرینه سایمان پاشا قایقجیلر یاننده بوجئی آچمقدن تحاشی  
ایدرک برلکده قره به چیقمنی حسین پاشایه تکلیف ایتدی  
و مصطفی بک قایقده قاهره سایمان پاشا و حسین پاشا و حاجی راشد  
بک دالی بازارینک آراق اسکله سنه چیقیدیلر .

سایمان پاشا حسین پاشایه خطاباً : برادر سن باب  
سرعسکری به کیت اگر تبدل و کلا اولمش ایسه مصطفی پاشانی  
و عسکری بک و یردیک سوز اوزرینه جلب اتمک اغلب احتمالدر  
مع مافیه ایدمه مک دخی محتملدر جلب ایتدیکک تقدیرده مقام  
سرعسکری به بشقه کسه کلش و اوراده حاضر ایسه الی آرقه سنه  
باغایه رق حبس ایدرسکز عسکردن خلاف انتظار برخلافیت  
کودر ایسه ک سکوت ایت و تبدیل سؤال و جواب ایدرک طوغر.  
یجه کل بکا خبر ویر بن یامکتب حربیه ده و یا خود طاش قشله دهیم  
بعده ایجابنه آنک اوزرینه تشبث ایدر و بلکه ده قانلو بر مجادله

چهار روز اگر تبدل وقوعه گله مش ایسه مصطفی پاشایله برلکده البته عسکر کله جکدر لیکن استانبولدن عسکر کله جگنی ویا خود کله میه جگنی کل بکا قشله ده خبر ویر که بن دخی آکا کوره خط حرکت کنزی تعیین ایده می دیدی .

اشته بوقرار اوزرینه سلیمان پاشا ایله حسین پاشا یکدیگر ندن ایرلدیلر و سلیمان پاشا ایله حاجی راشد بک طوخنانه دن بر حیوانه و اکباً طوغریجه مکتب حرییه کلدیلر که طاش قشایه نك نوشته سندن چکر ایکن ده ها هنوز طابور لرك جیخانه عربله لری طاش قشاده ایدی و مکتب حرییه یه ورود لرنده ساعت بش بیخغه وار مش ایدی .

سلیمان پاشا طوغریجه داخلیه میر آلائی احمد بکک او طه سته کیره لک میر مومی الیهی قالدروب فدا کار لرك بوراده میدر دیدی .

( اتفاقات عجیبه دندر که مکتب امرا و ضابطانندن بر طاق لری سلطان عزیزک روسیه لویه کوستر دیکی مساعدات حقوق شکماته دن دلخون و متأثر اوله رق و قعه دن حتی ایکی آقشام اول نتیجه احوال نه بی منجر اوله جق سوز و کداز تابصباح مداوله افکار ایتشلر و پینلرنده هر درلو فدا کار لره بناماده قرار اولمشلر ایدی بونلرک حاصل ابتدکی درجه تأثری داخلیه میر آلائی احمد حفظی بک سلیمان پاشایه بر بنده جک بیان ایتش ایسه ده پاشای مومی الیه بویه شیلرک شمدیلک لزومی یوقدر دیه رک سوزی قیامتش و سلیمان پاشانک حیات ملییه و سلمه لری حکمنجه بوسوزی بر حکمته مستنددر اعترافله آنلری سکوت مجبوریتنده بولندر مش ایدی )

میر مومی الیه بر آزی نك موجود اولدیغنی جواباً بیان ایتسی

اوزیرینه ارکان حرب قول آغاسی رفعت افندی [۱] نی چاغیره رق :  
 طاش قشله یه کیت شاید سؤال ایدن اولورسه بک اوغلندن بر  
 یردن کلیورم جیخانه عربهرلینی طاشینور کوردم عجبا طابورلر  
 مأموریتیه می کیده جک دییه مراق ایتدمده آرقداشلرله وداع ایچون  
 کدم دی وطوغریجه عزت افندی نیک اوطه سنه کیت قالدر  
 کلسون بنی مکتب حرییه تعلیمخانه سی میداننده بولسون  
 دیدی وجیخانه کلوب کلدیکنی احمد بکدن سؤال ایلدکه احمد  
 بک ونیجستر جیخانه سنک ذاتاً موجود اولدیغنی و شنایدرتقشکاریله  
 روولور جیخانه سی وطویلر ایچون پیشرولو ودانه لی و قوری  
 صیقی جیخانه لرینک کاملاً کلدیکنی سویلدی بوصره ده قشله ده  
 موجود اولان سائر امرا دخی برر برر احمد بکک اوطه سنه  
 اجتماع ایلدیلر .

سلیمان پاشا احمد بکه شا کردانک ساعت سکز بچقده  
 قالدرلمسینی تنبیه ایتدی وبرآز مکلمه دن ضحکه قول آغاسی  
 رفعت افندی کلهرک عزت افندی نیک تعلیمخانه میداننه کلدیکی  
 خبرینی ویردی .

سلیمان پاشا میداننه کیدرک عزت افندی یه وقعه نیک بوصباح  
 ساعت طقوزده اجراسنه قرار ویرلیدیکنی افاده وطابورلرک  
 جیخانه لرینک کاملاً کلوب کلدیکنی سؤال ایتدی عزت  
 [۱] حلبده وفات ایدن ارکان حرب قائمقامی مناسترلی رفعت  
 بک مرحوم در .

افندی دخی امر و قرار کر اوزره حاضر م وطابورلرک جبه خانه لری  
 کاملاً کلدی دییه رد جواب ایلدی سلیمان پاشا قوماندان میرلوا ادهم  
 پاشانک و میر آلا ی امین بکک قشله ده اولوب اولمدق لرینی سؤال ایتدکده  
 ادهم پاشانک خانه سنده و امین بکک قشله ده اولدیغنی افاده  
 ایتدی سلیمان پاشا بن آنی قشله دن جلب و حبس ایدرم سرشمیدی  
 کیدیکنز کندی حاضر لغکزده اولیکنز دیدی و دردنجی طلیعه  
 طابوری بیکباشیدی عثمان آغا ایله ایکنجی آلا ی طابوری بیکباشیدی  
 ادهم بکک دغدغه نی موجب اولماق ایچون ساعت سکزه طوغرو  
 خبر ویرلمی قرار کیر اولدی سلیمان پاشا ساعت سکزه طوغرو  
 میر آلا ی حاجی راشد بکی آله رق طاش قشله یه کله جکینی و بعده طابورلره  
 لازم کان امری ویره جکینی سوایه رلک عزت افندی نی قشله سینه  
 اعاده وکنسیدی مکتبه دخول ایتدی میر آلا ی احمد بکک  
 او طه سنده بر آزدها او تور دقن صکره کندی او طه سینه کلوب  
 صوینه رق یتاغنی یا دروب یا تدی ساعت سکزه ده قالدرلمی  
 تنیه ایتدی میر آلا ی حاجی راشد بکک دخی اتصانده کی براوطه یه  
 یتاق یا پرددی لیکن بعض سؤال و جواب ایچون حاجی راشد بکک  
 کاوب کیدی شلری او یومسنی مانع اولدیغنی کی ساعت یدی بحق  
 راده لرنده ایدی که باب سر عسکری یه کیدن میرلوا حسین پاشا  
 دخی عربیه سوار اوله رق کلدی .

مومی الیه حسین پاشا سلیمان پاشا دن آیرلقدن صکره باب سر  
 عسکری یه کیدر مصطفی سینی پاشانی سؤال ایله آقمرایده خانه سنده



اولدیغنی خبر آدوق جلی ایچون بر عسکر کوندر مصطفی سینی پاشا باب سر عسکری به کلرک سبب جلی سؤال ایله کده حسین پاشا جواباً سز سامان پاشایه بر سوز ویرمشیکنز آنک کیجه سی بو کیجه ایش سلام ایتدی عسکری آسون کسون دیدی دیر پاشای مومی الیه صحیحی دییه تکرار ایله کده حسین پاشا دن صحیح دییه جواب آلمی اوزرینه دیدی سلام ایت بشنجی اردو طابوری ایله کلیورمه دیر

ومیرلوا مصطفی سینی پاشانک بر طابور عسکرله ساعت طقوزده کله چکی خبرنی ویردی سلیمان پاشا دنجی طاش قشایه جه ومکتبجه لازم کن تدابیری اجرا ایله دیکنی بیان ایله او طابوری آلوب کندوسی ده بر لکده کلک اوزره ینه حسین پاشانی باب سر عسکری به اعاده ایلدی .

بو آراق میر آلا ی احمد بک کلرک ساعت سکیزی کچمکده اولدیغنی خبر ویرمکله پاشای مومی الیه شا کردانه قالدق بورونی چالمنی وبعده سلاح باشنه ایدرک فشنک طاغیدلمنی وطوچیلر دخی طوب باشنه ایدمننی امر وتیمیه ایدرک کندوسی ده کیتمکده باشلادی وقول آغاسی بدری افندی [۱] نی چاغیره رق طاش قشایه کیت میر آلا ی امین بکه سر عسکر پاشا مکتب حریبه ددر سنی ایستیور غالباً اورته لقمه بر فناق وار دی وسریعاً آل کل امرنی ویردکن صکره کیینوب طوغرو میر آلا ی احمد بکک او طه سنه کیتدی . اوصرده باب سر عسکری سوق مأموری طیار بک کلرک

[۱] اليوم اشقودره والیسی بدری پاشا

طاش قشله‌یه کیتدیکنی وکله جک طابورلرک سبزه‌سی آلمنی  
و تعمینی قازانه وضع اولمنی امرینی امین بکه ویردیکنی جمله ضابطان  
ایچنده سلیمان پاشایه خطاباً سویلدی .

( اوکون آقشامدن صوکره بشنجی اردو ردیفلرندن اوچ طابور  
درسعاده کیش وقره‌یه چیه‌یه‌رق کیده قالمشایدی )

بواقاده مقصد معلوم ایله مشحون اولان اذهان قارشوسنده  
بی معنا کوردیکی و مکتبه کلوب سویلنه جک برسوز اولمیدیگی کبی  
سرعسکر پاشا دخی ذاتاً ضیار بکه برشی آچمیدیگی خبر ویردیکندن  
سلیمان پاشا میرمومی الیه‌دن اشتباه ایدرک طیشاری‌یه چیقیدی و  
( طیار سن نه سویامورسک ) دیدی طیار بک دخی ( هرکس  
آکلامسون دییه او یله سبزه لقریدی قاریشدیردم طاش قشله‌یه  
کیتدم سزی بولامدم بورایه کلد صدر اعظم و شیخ الاسلام  
سرعسکر پاشانک یالینسنده در بنی اوچ چفته ایله سزدن خبر آلمق  
ایچون کوندر دیلر ) دیدی .

سلیمان پاشا جواباً استانبولدن برطابورله مصطفی سینی پاشا  
کله جکینی و اوچ طابور بوراده موجود اولوب مکتب  
شاگردانی ده حاضر لامقده اولدیغنی جواباً بیان ایله برابر  
( طیار سکا اینتامام چونکه سرعسکر پاشا بکا طیار بکه آچدم  
دیدی سنک یانکه آدم قاتارم اکر قایق ادعاک وجهله سرعسکر  
پاشانک ایسه وسن ده آنلره خبر کوتوره جک ایسه ک فیه یوقسه  
تیجه‌سی سنک ایچون فنا اولور ) دیدی . و سرعسکر پاشانک برادر

زاده سی اولوب مکتبده تحصیلده بولغان امین بکی چاغیردق  
(طیار بك ایله برابر کیت صالی بازارنده سرعسکر پاشانك اوچ  
چفته قایغی وارایمش سن هموله جیلری بیلیرسك اکر هموله جیلر  
سزلنه هموله جیلر ایسه یانکه ویره جکم ارکان حرب بیکباشیسی  
نظیف بکه بو هموله جیلر بزمدر اکر دکلر بزم دکلر دی )  
دیدکن صکره بیکباشی نظیف بکی چاغیردق الله بر طولو  
روولور ووروب (طیار بکه برابر صالی بازاری اسکله سنه کیت  
اکر اثنای راهده قاچه جق اولور ویاخود ایلرو کیرو قاله جق  
اولورسه طیار بکی اور و برابر کیتدیکی حالده دخا کر هموله  
جیلری رفاقتکزه ویردیکم شا کر داندن امین بك طانیمز و بونلر بزم  
سرعسکر پاشانك هموله جیلری دکلر دیر ایسه یینه اور و اکر بزم  
هموله جیلر دیرسه سیلنی تخلیه ایله امین بکه برلکده عودت ایت)  
دیدى بوا مر اوزرینه اوچی برلکده قشله دن چیقیدیلر .

اوصرده ایدی که ارکان حرب قول آغسی بدری افندی میر آلاى  
امین بکی بالاستصحاب مکتب قیوسندن ایجرو کیردی سلیمان پاشا  
قیونك مقابلنده کزتی محلنده طور مقده ایدی .

پاشای مومی ایله امین بكك الدن طوته رق طوغریجه کندی  
اوطه سنه کوتوروب ملازم مصطفى افندی بی یانته نوبتجی تعیین  
ویوزباشی قدری افندی یه دخی قلنجنك آلمیسی امر ایتدی .  
امین بك ایشك نه اولدیغی آ کلامیه رق خوف وتالاش کوسترمسی  
اوزرینه سلیمان پاشا ( ایکی ساعت قدر بوراده توقیف اولندقدن

سکره سیدکز تخلیه قلنه جقدر مراق ایتیک) دیوب او طه سندن  
حقیقه رق احمد بکک او طه سنه کلدی وشا کردانک سریعا سلاح  
باشنه ایدملرینی امر و وقت کچمکده اولدیغنی بیان ایلدی .

بعده بالجه مکتب ضابطانک آبدست آملرینی تنیه  
وبو تشبث اولنه جق ایشک نتیجه سنده یوزده طقسان طقوز  
کوپری باشنده مصلوبیت و برده مقصده نائیت احتمالی اخطار  
واعلان ایله جمله یه توبه واستغفار ایتلرینی تلقین ایتدی وایکی  
رکعت صلات حاجت ادا ایلدی ضابطان بونک اوزرینه کاملاً  
آبدست آله رق روولورلرینی طاقندیلر بونی متعاقب حاجی  
راشد بکه ( هایدی سن کیت آرقه ک صره بن ده کلیورم) دیه رک  
آنی طاش قشله یه کوندردی احمد بکه شا کردانک طوغروجه  
مراد افندی حضر تلرینک دائره سی اوکنه ایتلرینی و طوبجی  
قول اغاسی رفیق افندی یه دخی شمکیلک دانه ویشمروک لزومی  
یوغیسه ده آنلرکده حین حاجتده جاب اولنق اوزره حاضر  
بولنسی و زرهلی قره قول کیسندن برنجی طوپ آتیلدیغیه  
ایکینجی طوپ مکتب حربیه میدانده شا کردانک آتمسی امر و تنیه  
ایلدی و باندکی قلنجی عندالمعاینه پاضلی کوردیکندن ضابطاندن  
فضله بر قنچ ایستمسی اوزرینه سیاه قایشلی بر قنچ ویردیلر اوده  
دقت ایتیموب قایشنی دکشدر مکسزین بلنه طاقدی یالکز باشنه طاش  
قشله یه طوغری توجه ایتدی .

قول اغاسی بدری افندی آرقه سندن تعقیب ایله ( بلکه بر

خدمتکنز اولور برابرکزده بوانهیم ( دیوب برانکده طاق  
قشایه داخل اولدیلر وطوغروجه عزت افندیك او طه سنه  
کیتدیلر عزت افندی طابورینک برنجی یوز باشیسی نجیب  
افندی [۱] واسطه سیله ساعت طقوزده سرایه کیدیه چکی خبرینک  
مراد افندی حضر تلرینه ویرلدیکنی تبشیر ایلدی .

سلیمان پاشا عزت افندی یه طابورینک سریعا سلاح باشنه  
ایدلمسنى امر و بیکیباشی عثمان آغای دخی جلب ایلدی آغای  
مومی الیه ایسه هنوز یتاغنده یاتمقده ایدی کلدکنده پاشای مومی الیه  
کندوسنه خطاباً ( سنک ملتکی سور حمیتی وغیرتلی بر آدم اولدیغی  
اوتدنبرو ایشیدرم ایشته حمیت کوسترمه نك کونی بو کوندر  
عسکریکی سلاح باشنه ایت فشنک طاغیت بنم ایله برابرکل )  
دیدى عثمان آغا ( زه یه کیده جکز ونه یولده صرف حمیت  
ایده جکز ) دیو سؤال ایتمسیله سلیمان پاشا ( سرایه کیده جکز  
ملتک سلامتتی استحصال ایده جکز ) جوابی ویردی آنک  
اوزرینه عثمان آغا برتمنا ایدرک عسکریخی سلاح باشنه ایتمکه  
وفشنک طاغتمغه کیتدی .

اوانشاده ایدی که مصطفی سیفی پاشا بشنجی اردونک دردنجی

[۱] مومالیه نجیب افندی . بوکره نشر ایدلمکنده اولان « سلیمان  
پاشا محاکمه سی » نام اثرک یوز آلتشنجی صحیفه سنه فوطوغرافیسی  
مندرج و سلطان مخلوع حمید افندیك ال یازیسیله محرر جیب دفترى  
ورقه سنده . [ سلیمان پاشانک یاوری ] اولوق اوزره مقید اولان نجیب  
بك اولوق مابولدر .



آلاینك برنجی طابورنی بالاستصحاب گلش وحسین پاشا دخی  
برابرند بولمیش ایدی سلیمان پاشا حسین پاشایه ( هایدی برادر  
كوش صوبی قشله‌سنه كیت سن معیت بلوكلری میر آلانی  
یوسف بکه بندن سلام ایت چابوق كلسون بی آشاغیده سرائك  
یاننده بولسون و هیچ بر حرکته تشبث ایتسون ) دیدی

حسین پاشا كوش صوبی قشله‌سنه كیندی ایسه‌ده یوسف بك  
هنوز خانه‌سندن كلبه‌مش اولدیغندن سلیمان پاشانك سوزنی تبلیغ  
واصال ایده‌مدی

بعده سلیمان پاشا عزت افندی‌یه خطاباً ( بیکباشی  
ادهم بکه برضابط كوندر طابورنی سلاح باشه ایتسون  
فشك طاغتسون سرائك اورته‌ده‌کی سلطنت قپوسنك اوكنه  
کیتسون طورسون لازم‌کلان امرینی اوراده‌ویررم ) دیدی عزت  
افندیك كوزینه اوآردلق برچاوش ایلیشه‌رك امر مذکور  
اوجاوش ایله كوندردی ادهم بك عسکرینی سلاح باشنه  
ایده‌رك فشك طاغتمغه باشلادی ومؤخرآ آشانخی ایندی .

بوصره‌ده سلیمان پاشا طاش قشله‌ده بولنان اوچ طابور عسکر  
حرکتی امرینی اعطا حاجی راشد بکی عثمان آغانك طابوریه  
پاشا دأرده‌سی حوائسینه و ادهم بكك طابورنی یالیزی قپو وقولتوق  
قپو و جاملی كوشك اطرافته طاغیدوب كندوسی‌ده عزت افندیك  
طابوریه حرم دأرده‌سی و مراد افندی حضر تلرینك دأرده‌سی جهته  
کیتدی مصطفی سیفی پاشانی‌ده بر طابور عسکر ایله طولمه بغچه  
میداننده احتیاط براقادی و طاغتدینی قره‌قولا ره ایچرودن طیشارویه

و طیشارودن ایچرویه کیمسه نك خروج و دخول ایتمه منسی تنیه ایله ضابطانه و عسکره حمیت ملیه لرینی تحریك ایدم جك سوزلر سوبادی سلطان عزیزك اسرافاتی سببیه قردطانك و صربك شمعی یه قدر اوریه مدیغنی و برسته دنبرو يك چوق دین قرداشلرینك سلطان عزیز ایله محمود پاشانك شخصیاتی اغورینه تلف اولدیغنی آجندردق آكلاتدی .

جمله غرابدندرکه سلیمان پاشا سرايك جوانینی عسکر ایله - احاطه ایتدیکی زمانلرده سرايك محافظه سنه مأمور شوراده بوراده برطاقم عساكر ضابطه نقطه لری طور مقده ایدی پاشای مومی الیه آنلری جمع ایله یازیم بلوك تشکیل ایدرك بشیچی طلیعه طابوری بلوکلرینك برینه الحاق و مأموریتلری خلافتنه عساكر محاصره مثللو استخدام ایدی

مراد افندی حضرتلرینك بولندیغنی دأردنك - که کاملاً طواشیانك و خدمه سائر دوائرینك برکوشه سنند و جهت یمینده ساحل مجرده در - بشکطاش جهتی دهامقدجه مکتب شاگردانی طرفندن طوتولمش ایدی شاگردان کمال شوق و شطارتلرندن نه یاپه جقلرینی بیلمزلر و بویله بر تشبیدن چیلدر رجه سنه محضوظیت اظهار ایدرلر ایدی.

ایشته بوزمانده ایدی که شمس منیر هنوز حجاب افقندن مظاهری و فرقه ناجیه فداکاران اوزرینه مژده باهر موفقیت اولان باران رحمت نازل و متقاطر اولوب ظلمه سرای ایسه نشئه عیش روزینه لر یله خجور و خوابیده غفلت و حضور ایدی.

حکمت ربانیه دن اولدق ایکی ماهدنبرو یعنی تقویملرك ایام مطر

ذیو تعین و اراده ایستدکاری اش-بو نسان و مایس آبلرنده است-تا بول  
وحوالیسی باغ و بساتینی متحضر قطره آب ایدی صانکه وظیفه مقدسه  
ملیه اجرا آئنده کوستریلان تهاون و غفلتدن طولانی درسه-ادت خاکی  
اوزرینه غضب الهی مستولی و متشخص ایدی

سلیمان پاشا ایکی بلوک عسکر آلهرق طوغریجه قیودن ایچرو  
دخول و بلوکک برنی صاغ و صوله قیولرک اوکلرینه تویهرق  
خیشاری چیقسق ایستیملرک اورمنسی امر ایله مراد افندی  
حضر تلرینک قپوسی اوکنه طوغری کیدر ایدی .

طیش قپو مسدود بولنسه ایدی اینیرو کیرم بر خیالی تکلفاته  
وبلکه ده برعظیم دغدغه ایقاعنه سببیت ویرر ایدی لکن نوبچی  
بولان قپوچی مراد افندی حضر تلرینک مجلوی اولدیغنی مقدا واسطه  
مخبره اولان یوز باشی نجیب بک خبر ویردیکی کپی سلیمان پاشا کلدیکیله  
قپویده آرهلوق بولهرق هیج مشکلا نه اوغرامقیزین اینیرو دخول  
ایندی

نهایت قیونک اوکنه کلدکده مراد افندی حضر تلرینه  
خدمت ایدنلردن بر قاق کشی ایله بر قاق طواشی کوردی  
بونلره ( قپوئی آجت افندیزی ایسترد) دیدی موصی الیم بر آرتعلل  
وترددایله برابر قپوئی آحق ایچون دخی ایجه اوغراشمیری اوزرینه  
کال حدت و تهورله ( چابوق اولکنز افندیزه خبر ویریکنز  
طیشاری تشریف ایتسونلر ) دیرک اعلامی صوت ایتدی .

هرنه حال ایسه قپوئی اوموزلیوب آجیدیلر و خدمتمنده  
بولانلردن برایکی کشی ایچرو کیردی بونلر سلیمان پاشانک ذاتاً

شخصی بیلمدکلی کی میرلوالغه دأربر علامت فارقه سی اولمدینی و بوجه مشروح بلند سیاه قایش بولندینی جهته مراد افندی حضرتلرینه بریکباشی سزی ایستور دیرلر . مشارالیه حضرتلری دخی ( ایچرو کلسون باقیم کوریم کیمدر آنک اوزرینه چیقیم دیملری اوزرینه طیشارویه سلیمان پاشانک یانیه کلهرک ( افندمز سزی کورمینجه چیقمایه جق بیورک ایچرو کیرک ) دیدیلر .

حال بوکه بونوع تکلفاته قطعاً احتیاج یوغیدی چونکه ساعت طقوز ده سلیمان پاشانک کندوسنی کلوب آله جفی مراد افندی حضرتلری ذاتاً بیلورلر ایدی لکن سلیمان پاشانک شخصک مراد افندی حضرتلرینک آدملرنجه عدم تشخیصله برابر مومی الیهک قلنج قایشنک رتبه سنک خلاف اوله رق سیاه بولشی ذاتاً کندولرینه مستولی اولان اوهای آرتدره رق بوکشا کشه سبیت ویردی و غلبه اوهام اوآرهلر سلیمان پاشانک یاننده طولاشان کندی آدملری یوز باشی نجیب افندیدن بیله سلب اعتماد وامنیت ایتدردی

سلیمان پاشا ایچرویه کیرر ایکن خدمتده بولنانلر ( افندی حضرتلری شاید قورقر ) سوزیه روولورک بر اقلمسنی تکلیف ایله الندن المی ایستدیلر پاشای مومی الیه ( باشی بوزوغه سـلاح تسلیمی ناهوس عسکری یه طوقونور ) دیهرک قپوده طوران یوز باشی نجیب بکه روولورینی تسلیم ایتدی بعده قپودن ایچرو کیردی .

مراد افندی حضرتلری او آردلق نردبانک اوزرنده

سازون واری بر محامده بولمقده ووالده سی دخی باشی اور تولو  
 آرقه سنده صورمقده ایدی سلیمان پاشا قیودن ایچرو کیرر کیرمز  
 یاننده بولسان لالا سلیمان آغا (بو سلیمان پاشادر) دیمسیله  
 مراد افندی حضرتلرینک مخدوملری صلاح الدین افندی حضرتلری  
 مکتب فنون حربیه به لاجل التحصیل کوندرلدیکی صرهدده لالا  
 سلیمان آغاده برایکی دفعه بومناسبتله مکتبه کلش و سلیمان پاشای کورمش  
 ایدی حتی آغای مومی الیه صلاح الدین افندی حضرتلرینک مکتبه  
 ورودلرنده (افندی حضرتلرینک مرادلری مخدوملرینه بلا استئنا احاد  
 ناس اولادی مثللو معامله اولمسیدر و سلام ایتدیلر سزدن بونی طلب  
 ایدرلر) دیمسیدی سلیمان پاشاده (پک مناسب امرلری باش اوست لیکن  
 شهر اداکان لالالرنده بعض تربیه سز آدملر کوریلور مانع تحصیل لفا آتده  
 بولمملری ایچون آنلرده قبیله اقتضا ایدر) دیدیکی و سلیمان اغانک دخی  
 (بویله مناسب سز طوره بولنلری طرد و تبعیده ده مأذونسکز) جوابی  
 ویردیکی محقق اوله رق مسعودر  
 سلیمان پاشا دخی برتمنا ایدرک (بیورک تشریفکزه منتظرز  
 عسکر سزی بکلور) دیر .

او ساعته قدر سلیمان پاشا مراد افندی حضرتلرینک نه شخصی  
 کورمش ونه ده پینلرنده غائبانه اوله رق بر معارفه و مخبره سیقت  
 ایتدیدی

آنک اوزرینه مراد افندی حضرتلری سلیمان پاشایه طوغری  
 توجه ایدرک آرقه سی صره قیودن حقیقوب سلیمان پاشانک اقدمجه  
 ویردیکی تعلیمات موجبنجه در حال قیونک اوکنده کی بلوک سلام  
 طوردی و عسکرک آره سنه آنه رق سلیمان پاشا اوکنده اولدینی  
 حالد طیش قیودن چیقار دیلر مراد افندی حضرتلرینک بولدینی



داتردن طیش قویہ کالجہ یہ قدر ایکی طرفہ بولنان قرہ قولار  
کاملاً سلام طور دی طیش قپو خارجده بولنان بلوکلہ مکتب  
حریہ شاگردانی دانی سلام طور دیلر و سلیمان پاشادہ سکر دہرک  
قلنج چکوب و عسکرک باشندہ طور و سلامادی .

سلطان عزیزک پنجر دلدن باقان خدمہ و طواشیسی خلع کی بر  
فدا کارلک وقوع بولہ جغنی اصلاً خاطر لرینہ کتور مدکر ندن پینلرندہ  
(مراد افندی برخائیک ایتدی افندمن عسکر کوندردی آلدردی نفی  
ویا قتل ایدرک جزاسنی ویرہ جکدر ) دیرلرمش

طیش قپودن تقریباً یکرمی اوتوز خطوہ آچیلدقدن و طولہ  
بغچہ قرہ قولنہ متوجہاً اجزاخانہ نک اوکنہ طوغری یا قلاشدقدن  
سکرہ سر عسکر پاشا طومہ بغچہ طرفندن فیضون سوار اولہرق  
ظہور ایتدی و مراد افندی حضر تلرینی کوردیکیلہ عربیہ  
طور دروب مشارالہ حضر تلرینی عربیہ آلدی

سلطان مرادی کورنجہ تأدباً عربہ دن اینک فریضہ دن ایکن  
حسین عون پاشا یا کمال خوف و تلاشندن و یا خود زیادہ کبر و عظمتندن  
ایندی و ( بیورک ) دیوب سلطان مرادی یانہ آلدی

وسلیمان پاشایہ اورالرک دقتلیجہ محافظہ سی تنہینی ویرہرک  
باب سر عسکر یہ متوجہاً عودت ایلدی

— سر عسکر حسین عون پاشا صدر اعظم شد رشدی پاشانک یالسنہ  
کیدرک تبلیغ قرار ایلہ کوندوز ساعت بشدہ اجرا اولنہ رائینک آرتق حکمی  
قالیوب اجرا مأمور لرینک اصراری اوزرینہ صباح ساعت طنوزدہ سرایک  
احاطہ اولنہ جنی خبرینی ویردکدہ رشدی پاشانک وقوعی اغلب مأمول

واحتمال اولان مهلكهيه مشاركتدن تبریه ذمت طرفك مسعودیتى  
آكله برق ناجار حرمه كیروب استحلل حقوق ایته بکی وحسین عونی  
پاشانك دخی یالیدن چیقارکن یتنه حرمه دخول ایله وداع واستحلل حق  
ایله بکی مسعودر .

— حسین عونی پاشا طیاربکی استطلاع حال ایچون سلیمان پاشایه  
كوندر دیکي حکایه قلمشیدی میرومی ایله طوغریجه ساحلخانه  
سرعسکری به کیدرك سرعسکر پاشایه عرض کیفیت ایله دی واوریه  
مجمع اولان صدر اعظم محمد رشدی پاشا وشيخ الاسلام خیرالله افندی  
ومدحت پاشا مراد افندی حضر تلرینك قدومنه منتظراً باب سرعسکری به  
کیتك اوزره بغچه قپوسی ساحلنه وسر عسکر حسین عونی پاشا ایله  
دار شورای عسکری رئیس ردف پاشا دخی صالی بازاری اسکیزنه  
چیف دیلر حسین عونی پاشا حضر تلرینك صدر اعظم محمد رشدی پاشا  
حضر تلرینه هایدی سرایه برابر کیده لم دیدیکي ومحمد رشدی پاشانك  
موافقتدن قطع نظر سزده کیتیکز وارسون ردف پاشا اوغلمز  
کیتسون دیهرک آتی ده آلیقویغه چالیشوب حسین عونی پاشانك ده  
آرتق عیب اولور دیهرک رد ایله بکی ایشیدیشدر

— جوانب سرای هایونك ساعت طقوزده حصر واحاطه قلنه جنی  
قراری اوزرینه مشارالیهما حسین عونی وردیف پاشالر اسکله به خروجدن  
صکیره صالی بازارنده تهیته ایتردکاری عربیه را کب کمال سرعتله  
طولله بغچه به کلدیلسده سرای محاصر فرد واحد کورمدکارندن  
وسلیمان پاشا طاش قشادهن طابورلری چیقارمندی وبرفتالی حدود  
ایندی فکریته ذهابا وهمه دوشدکارندن سربیه درحال کیر وچویردرك  
طوغرانه به طوغرو عودت ایتریلر فی الحقیقه ساعت طقوزده وارمش  
ایکن سلیمان پاشا کله ماش ایدی چونکه طاش قشاده بولنان میر آلائی  
امین بک جلبیلا حبسی خیلی وقت اضاعه ایله بکی کی مؤخرأ قشاده عسکره  
فشك توزیی وطابورلرک اخراجی دخی برقوق زمان غیب ایتردی نهایت  
سلیمان پاشا طابورلرله آشاغی اینجه به قدر بر کره دها طولله بغچه به

سفر ایتدیلر ایسه ده ینه خائفاً و مأیوساً کبرویه عودت ایتدیلر اوجنچی  
سفر کایدش-لمرنده ایدی که سرایک اطرافنی طابورلرله محاط کوردیلر  
وردیف پاشا عربده دن نزول ایله طوبله بغچه قره قولنه کیروب حسین  
عونی پاشادخی مراد افندی حضرتلرینی استقبال امنیه سیله عربده سنی سرایک  
پاشا دائره سی طرفنه تحریک ایتدی حال بوکه مراد افندی حضرتلرینه  
دائره لرینه اورادن عربده ایله کیدیلور یول اولدیغنی و سلطان عزیزک  
دائره جسیمه لر ی درون ویا پیشگاهندن کچمینجه اورایه وصول قابل  
اولدیغنی بیلورلرایدی لکن غلبه و لهو حیرت سلب فکر و شعور ایتشیدی  
مؤخرأ وقوع بولان اخطار اوزرینه تیقظ ایدرک اماله لجام ایله  
افندی دائره سی قیوسنه وبتکاشه طوغرو توجه ایتدی اشته اصرده ده  
ایدی که سلیمان پاشا مراد افندی حضرتلرینی قپودن خیفاره رق خاص  
آخوردن عربده ارکاب اتمک غزیه لیه اجزاخانه اوکته طوغرو کتور مکده  
ایدی اجزاخانه مذکور اوکنده حسین عونی پاشایه تصادف ایتدیلر  
و مشارایه عربده سنی طور دره رق مراد افندی حضرتلرینی یاننه آلدی.

— غریبی بوکه سلیمان پاشا مکاتب عسکریه ناظری ایدی و قومانداسنه  
آندینی طابورلرله هیچ بر وقت قومانداسی ده سبقت اتمه مشیدی حال  
بو یله ایکن یالکیز برر امر ایله جمله سنی سلاح مندروب بو یله بر امر  
عظیمه قیام و تشبث اتمی طوغریسی نوادر و قایم دندر شوقدر وارکه  
سلیمان پاشا افکار ملیه صاحی وطنی سور بر ذات اولدیغنی طابورلر  
ضابطانی بیلورلر و ایشیدرلر ایدی بو حرکتک سلامت ملت و وطن  
اغورینه اولدیغنی اسمنی ایشیدنلر در حال جزم ایله امریک اجرا سنده  
ذره جه تردد و مخالفت کوسترم دیلر و بلکه فرط شوق و محظوظیتله  
تلقی ایلدیلر مکتب امرا و ضابطان و شاگردانی پیننده ایسه افکار ملت  
پرورانه سی ذاتاً مضبوط و مسلم ایدی و الحاصل بو طابورلری و شا  
گردانی نه سرعسکر و نه بر قوماندان جلب ایدوب یالکیز جلالتک وجدانده  
محسوس اولان افکار ملیه سوق و تحریک ایتدی و سلیمان پاشا دخی ابر  
افکار ملیه تک شخص مجسمی ایدی .

— غساکر بریه نك سرايك قره جهتی احاطه سندن تقریباً برجزایك  
صكره سقائم امیریه دخی صندالیر ایندره رك بحراً محاصره یه ابتدار  
ایلدیلر لکین آنلرك افراد عسکریه سی واكثر ضابطانی سلطان عبدالعزیزی  
وفات ایتش بیلور ایدیلر یالکز قوماندانلری عارف پاشانك بر درجه یه  
قدر معلوماتی لاحق ایدی .

— سلطان مراد حضرتلری سلیمان پاشانك قیوسی اوکنه کلوبده  
(افندمزی ایسترم) دیو چاغردینی وقت برادری حمید افندی حضرتلرینه  
عنان ( برادر بی کوئور بیورلر لکین نصل ونه ایچون کیتدیکی بیلیمورم  
اولاد و عیالم اول اللهه ثانیاً سکا امانت ) دیو برتد کره یازار کوندر  
حمید افندی حضرتلری ده ایشك حقیقته واقف اولدیغندن خوف  
ودعشته دوشه رك محافظه نفسی ایچون یانه برخیلی روولور وسلاح  
جنب وجع وکندی ایچون ده سوء قصد ایده جکلر طننه ذهاب ایله  
آنلره قارشو برتدیره قیام ایدر و تقریباً ایکی ساعت قدر بویله برانتظار  
مخوفده بولوب مؤخرأ جلوس طولیری آتیارق کیفیت آکلاشله قده  
مستریخ اولور .

اشته سلطان مرادك بوتدیچی ده وکلانك وقعه خللی ساعت بشده  
اجرا ایتدرمك عزمنده بولشلری اسبابنه شبیهدر مشارالیه حضرتلرینك  
ایکی کوندن برو کیفیت تامیء اطلاعی واقع ایکن زهریه کیتدیکی بیلیمورمش  
کی تجاھل کوسترمسی شاید امر برعکس اولورسه بی کلیدیلر جبرأ  
سرایدن چیقاردیلر ونزیه کیتدیکی ده بیلیموردم حتی برادر مه ده  
برتد کره یازهرق چولای چوجنی آنك ید امانته تودیع ایتدم  
دیهرک تربیه ذمت ایتك مطالعه سنه مستند ایدی اولجه مدحت پاشا  
قوناغنده قاپیلونك افندمز کندیلکندن سرایدن چیقماز مطلقاً عسکر  
کلوب آلمیدر ادناسنده کی نکته مشارالیه حضرتلرینك بوتد کره سیله ده  
ظاهر اولدی دینله بیلور یاخود سلیمان پاشانك شخصی طانیله میوب  
قلبیچ قایشنك سیاهلانی ده جلب شبهه ایتدیکندن طولای قپونك آچلمه سی  
ایچون تردد وقوع بولدی صره ده کان سلیمان پاشا اولیوب بر دیگرری

وساطان عزیزك مأموری برضا بطدر اعتقاد یله بوتد کره یازلش اولسی ذه مأمولدر .

سلیمان پاشا ایسه ذاتاً حمید افندی حضر تلرینک اوراده اولدیغنی بیلمدیکی جهته تسلیم خاطر لازمه سنی دوشنه مدیکی کبی هیج کیمسه ده کندینه اخطار اتمز .

والحاصل سلطان مراد حضر تلرینی سرعسکر پاشا عربیه آلدی و آغالردن حافظ آغایاننده بولان روولورلردن برینی مشار الیه حضر تلرینه تقدیم ایتدی و مشار الیه حضر تلری دخی آلدی .

عربیه طومله بغچه قره قوله طوغرو کلد کده ردیف پاشا قره قوله چیقه رقی استقبال ایتمکه عربیه طوردر یله رقی پاشای مشار الیه اتک اوپدی .

بواثناده عسکر کرک طومله بغچه و کرک بشکطاش جهتی قوردون آلتنه آلمش و طیشارودن ایچرو و ایچرودن طیشارو فرد واحد کچیرمه مک ایچون ویریلن تنیهات محافظه ایدلمکده بولنش ایدی .

سلطان مراد حضر تلر یله سرعسکر پاشا طومله بغچه قوردونندن عربیه ایله طیشارو چیقمق مراد ایلدکلر نده عسکر سونکویه طاورانه رقی یساقدر دیدی عربیه حیوانلرینک کوکسنه طایاندی بو عسکر بشنجی اردو افرادند بولندقلری ایچون ترکیه بیلمدکلر ندن سرعسکر پاشا تفهیم مرام ایده مدی سلیمان پاشا سرعسکر پاشانک آرقه سندن نامق پاشانک مخدومی صول قول آغاسی علی بکی کوندرمش اولوب مومی الیه عربیه نک یاننده یورو مکده ایدی میر مومی الیه لسان عربی ایله سلطان مراد خان حضر تلرینی و سر



عسکر پاشای تفهیم ایتسی اوزرینه یول آچدیلهر بوسره ده سلطان مراد حضرتلری برآز اورکدرک بونارسزی نیچون بیلیمورلر دیدی سرعسکر پاشا دخی یکی کلش برطابور اولدیغی جهته افرادینک کندوسنی بیلمه مکده معذور اولدیغی بیان ایلدی .

بعده عربه ایله طولمه بغچه جامع شریفی حولیسنه کهرک ساحل یاننده عربه دن نزول ایله اوراده حاضر بولان اوچ چفته برقایه راکب اولدیلهر براز آچلدقدن صکره سرعسکر پاشانک بش چفته سنه تصادف ایدرک آقطارمه ایتدیلهر .

بو اثناده زیاده جه یاغمور یاغمقده وهواده شدتلی اسمکده ایدی . فورطنه ک تأثیرنرک تأثیرندن تحفظ ایچون صالی پازاری اوکلرنده اوکونی دورد مأمور واپورلردن برکوچوک ترسانه واپوری کورملریله جلب ایدرک آکاراکب اولدیلهر وسرکه چی اسکله سنه یناشدیلهر .

سرعسکر پاشا سلطان مراد حضرتلری سرکه چی اسکله سنه چیقدیغی آنده مومی الیه علی بیکی سلیمان پاشایه کونددرک بالصحة والسلامه ساحل استانبولی تشریفلری جدیدوالده سلطان کیتسون تبشیرایسون دیمکله پاشای مومی الیه دخی لال سلیمان آغا واسطه سیله کیفیت وصولی عرض وتبشیر ایلدی .

سلیمان پاشا سلطان مراد حضرتلرینک مخدومی صلاح الدین افندی حضرتلرینک مکتب حربیه یه لاجل التحصیل دوامی صره سنده ذکافاتاتی غایتله تقدیر وتحسین ایلمش وتحصیلدن

نحرومیتی اینچون تعلق ایدن اراده دن فوق الحد متأثر اولمشیدی :  
 بناءً عليه سابقه معارفه دن طولای صلاح الدین افندی حضر تلیخی  
 کورمک ایستدیکنی مومی الیه لالاسلیان آغایه اولجه سویش ایدی .  
 والده سلطان حضر تلی هم سلطان مراد حضر تلینک  
 ساحله خروجی مژده سنی بالذات سلیمان پاشا دن اخذ واستماع ایتک  
 وهمده صلاح الدین افندی حضر تلیله ملاق قیلمق اینچون  
 پاشای مومی الیهی حرم دار سینه جلب ایلدی صلاح الدین افندی  
 حضر تلی ده یانلرنده ایدی پاشای مومی الیه کمال ادب ایله تسلی  
 خاطر ایدرک و صلاح الدین افندی حضر تلینه دخی شرف ملاقاتک  
 بویله برکونده وقوعندن ضولای بختیار لغندن بحث ایلهرک مقامه  
 مناسب سوز لر صرف ایتمکده و والده سلطان دخی (دار دنیا ده بر  
 اولادم وار اول اللهه ثانیاً سزه امانت) دیهرک بیان تسلیمیت ایتمکده  
 ایکن قره قول کپسندن برنجی بیعت طوپی انداخت اواندی سلیمان  
 پاشا بر تمنا ایدرک (اشته سلطان مراد حضر تلی تحت سلطنته جلوس  
 ایتدیلر بو آتیلان طوپ بیعت طوپیدر تبریک ایدرم آرتق بنده کوزه  
 مساعده بیور کده عسکرک یانسه کیده یم) دیدی و در حال سر ایدن  
 چیه رق طابور لرک باشنه کلدی بیعتک ایکنجی اعلان طوپی مکتب  
 حر بیه دن انداخت اولنوب طولمه بغچه قره غولنده ومعیت بلوکی  
 اداره سنده بولنان طویلر دخی ردیف پاشا حضر تلینک امری  
 اوزرینه بیعت طوپی آتمغه باشلادیلر .

ردیف پاشا طولمه بغچه قره قولنه کلدکری آنده اوراده بولنان  
 معیت طوپچی بلوکنک یوز باشیسنه عسکری سلاح باشنه ایتدره رک

سلاح چا تدرعشدی نته کیم سلیمان پاشا سرای اوکارنده نوبتچی بولنان  
ضبطیه نفراتی طوپلایه رق بلوکلک صول باشنه وضع ایله عسکر مثللو  
حرکت ایتلرخی کندولرینه امر ایلیشیدی .

اشته بو آنه قدر سلطان عبدالعزیز وقعه دن غافل و یخیرایدی  
اوکیجه قرناسندن فخری بک نوبتچی ایدی عسکرک سرای  
قبولرینی قوشاتمسی قیوجیلر اول امرده کوردکارنده بر معنا  
ویره میهرک بعضیلری طلبه علومک آیاقلانمش اولسنه حمل ایله  
سرائی محافظه ایچون کلدکلرینه ذاهب اولدیار نهایت مارالذکر  
مابینچی فخری بکه اعلام کیفیت اولنه رق میرمومی الیه جاملی  
کوشکک قپوسنی آچدروب عسکره باقدقمده نه یاپه جغنی  
شامیره رق سلطان عبد العزیزی ایقاظه جسارت ایده ممدی .

فخری بک درکه اول امرده جاملی کوشکدن عسکره باقدیغمده  
استانبولده برقاریشیلق وار عسکر سرائی محافظه یه کلش ظن ایتدم لکن  
مؤخرأ دقت ایتدم اکر عسکر محافظه فکری ایله کلش اولسه یوزلری  
سرایه متوجه اولیوب خارجدن وقوع بوله حق تعرضدن سرائی محافظه  
ایچون سواقاغه قارشو بولنق لازم ایدی دیدم بناءً علیه بو حرکتک  
سرای علیهنده اولدیغنی حکم واستبدال ایتدم فقط معلوم اولان تهور  
وعظمتی حسیه سلطان عزیزی او یاندروب اخبار حال ایتک بنجه خارج  
تصور وامکان ایدی .

والحاصل برنجی بیعت طوی آیلنجیه قدر سلطان مشاور الیه  
اخذ معلومات ایده ممدی طوپ سسی اوزرینه متیقظ اولدرق کیلره  
طوغری عطف نظر ایلدی وکیلرک دونانمش اولدیغنی کورنجه  
مرادی جلوس ایتدردیله دیوب یتاغندن قالقدی وکیندی .

سلطان مراد حضرتلری سرعسكر پاشا ايله برلکده سرکهچی اسکله سندن متهی اولان عربيه را کبأطوغریجه باب سرعسكريه کیتدیلر صدر اعظم محمد رشدی پاشا ايله شیخ الاسلام خیراه افندی ومدحت پاشا ونامق پاشا آلدقاری معلومات اوزرینه باب سرعسكريه کیدرک ذاتاً قدوملرینه منتظر بولمش اولدقلرندن استقبال ايله دائرء هایونه کوتوردیلر واوراده درحال بیعتیه قیام ايله شریف عبدالمطلب حضرتلریله وقعیهی خبر آلان وکلا وزرا امرا واهالی پیدرپی حضوره شتاب ایدرک بر حظ و شادی فوق العاده ايله بیعت اجرا سنه باشلادیلر .

افتتاح بیعتیه بر موجب مقاوله حریق قله سندن اشارت چکلدی و بکک کیلردخی درحال دوناندی ایسه ده طوپ انداختی بر آرتاخر ایتدی چونکه قورو صیق طوپ خرطوجی یالکیز قره قول کیمسند بولنوب آنک اوکنه ده او آره لق بر تجار چکدرمه سی تصادف ایش و هوانک مساعده سزلکی جهتیله کورن اغانه سیله کیتمکده بولمش ایدی .

قره قول سفینه سنده بولنان بحریه ناظری قیصرلی احمد پاشا و قتیله طوپ آته مدیغندن طولایی فوق الحد تلاش ایدرک اوغلان حریف چابوق اول دیو باغیر مقدمه و اشانی یوقاری قوشه رق وحدتندن نه یاپه جغنی بیله میهرک اصطلاحات قپودانان اوزره حدتلی حدتلی سویلمکده ایدی کیلرک دونماسدن تقریباً بر چاریک صکره ایدی که طوپلر آتیلمغه باشلادی .

نهایت باب سرعسكریده بیعت مراسمك ختامنه طوغرو  
 سرعسكر پاشا سریاور میرآلای مصطفی بك ایله سلیمان پاشایه  
 ( سلطان مراد حضرتلری سلطان عبدالعزیز سرایدن چیقوب  
 طوپ قپو سراینه نقل ایتدیکجه طولمه بغیچه سرای هایوتنی تشریف  
 ایتیه جکدردر جوهر آغای جلب ایله سلطان عبدالعزیز حضرتلری  
 چیقارسونلر ) دیو خبر کوندر دیلر .

پاشای مومی الیه (شاید چیقمم دیو تعند صورتی کوستره جک  
 اولدقلری حالده نه یولده طورابق لازم کله جکی حقنده برامر  
 دیکرور دیلر می ) دیو سؤال ایدوب خیر جوابی آلمی اوزرینه  
 اظهار تأسف ایتدی و ( نه ایسه بر چاره سنی بولورز ) دیوب  
 دارالسعاده آغای چاغردی .

آغای مومی الیه اول امرده خوفاً اختفا ایدرك کندوسنی  
 یوقدر دیدرتمی اوزرینه پاشای مومی الیه سلطان مراد  
 حضرتلرینك آدملری وساطتیه خفياً بولندیغی محلی تحقیق ایدرك  
 تکرار ( بولندیغی محلی خبر آلدیم کلورم جبراً چیقارم صکره  
 عیب اولور بونده خوف ایده جک برشی یوقدر کندولرینه بعض  
 تبلیغات واراداتی اخطار ایده جکم ) دیو خبر کوندردی آنک اوزرینه  
 والده دائره سنده کی قپو آچیلوب بش آلتی طواشی ایله آغای  
 مومی الیه چیقدرق وجاده اورته سنده طور مقده بولانان سلیمان  
 پاشانك قارشوسنه کلهرك آنک او پرجه سنه تمنا ایتدی .

قیمت ذاتیه وصفاتیه دن من کل الوجوه محروم اولان بوزنجینك



برطاقم سفهای وکلا و مأمورین و بعض امرای عسکریه دامن اقبالی  
 او پر لر و کندولرینه مرجع و حامی طانورلرایدی یا محمول حول والاحوال  
 پاشای مومی الیه ( حکم قضا و قدر بویله ایش ملتی خشنود  
 ایتدی افعال و حرکاتیدن ممنون اولمیدلر کندوسنی خلع  
 ایتدیلر سلطان مراد حضرتلری اتفاق علما و وکلا و ملت ایله  
 جلوس ایلدی و عبدالعزیز افندی حضرتلرینک همان طوپ قپو  
 سرای هایوننه نقل ایتلرخی اراده ایتدی اولاد و عیالندن قاج  
 کئی ایستلرسه همان برابرلرینه آلهرق تشریف ایتسونلر  
 قورقسونلر و حیاتلرندن امین اولسونلر تهلهکه دن مصوندرلر  
 آنلرک قیللرینه که جک خطا ایچون ینه بو عسکر باشی قویمشدر  
 چونکه شخصلرینه سوء قصد یوقدر و بو حرکت بر غرضه مستند  
 دکدر سلامت ملتی آرزودن ایلری کلشدر لکن شاید سرایدن  
 حقیقمقده تردد کوسترلر و یا خود تعند ایدرلر ایسه نتیجه سی  
 و خیمدر و بو و خامتدن حاصل اوله جق مسؤلیت کندولرینه قایلر  
 بومسؤلیتی اوزرلرینه آلمسونلر ورجا ایدرزکه بزیده بویله آغیر  
 بز مسؤلیت ایچنده بولنمقدن محافظه بیورسونلر و دقیقه فوت  
 ایتیبو همان تشریف ایتسونلر ) دیر .

جوهر آغا جواباآلنی اوغشدره رق ( بن بونلری نصل عرض  
 ایدرم ) دیمسیله پاشای مومی الیه ( آرتق اوصره کچدی همان تعجیل  
 ایتسونلر تشریف بیورسونلر ) دیدی .

بونک اوزرینه جوهر آغا طولمه بغچه قره غوانه کیدرک  
 ردیف پاشایه مراجعت ایدر .

سرای اطرافى قوردون تحتہ آئندى صردہ سلطان عبد -  
 العزيزك سرقرناسى حافظ محمد بك ايله سرکاتى عاطف بك عربہ  
 سوار اوله رق کیشلر وردیف پاشادخی مکتب حربیه خواجه لرندن  
 وارکان حرب قول اغالرندن بدری افندی یه بالترقیق مومی الیهانی  
 تحت الحفظ باب سرعسکری یه کوندرمش ایدی سرعسکر پاشا بعض  
 خصوص ایچون سرایه کیرملرینی ترخیص ایدرک اعاده ایلدیکندن  
 بوصرده آنلرده طولمه باغچه قره غولنه کلدیله ردیف پاشا جمله  
 مواجهه سنده (اگر دنیا ده بر آزد ها عمر سورمک ایستر ایسه  
 همان طوط قپو سراینه نقل ایتسون) جواب قطعینى ویردی  
 وجوهر آغا ايله برابر باش ماینجی ايله باش کاتب بوخبری حامله  
 نزد سلطان عبدالعزیزه کیتدیله .

باش کاتب عاطف بك جمله دن اول طورانه رق : مراد افندی  
 جلوس ایش و افندی مزك ده طوط قپو سرای هایوننده استراحتلری  
 فرمان بیورلمش دیر بوسوز اوزرینه ایکنجی خزینه دار قالقه :  
 کوزلرکز کور اولسون . . . هیکیز بیلور ایدیکز ده اخطار  
 ایتدیکز جمله کز برلکسکیز دیو اطاله لسان ایتسیله سلطان  
 عبدالعزیز : صوص آرتق اولقر دینک صره سی کچدی صا قومی  
 کتورک یوسفله محمود زده چاغرک دیر اون برقادین وبش طواشی  
 ايله یوسف عزالدین افندی و محمود جلال الدین افندی نی برابر  
 آله رق قاپلره را کبا و قره قول صندال لری اطرافده اولدینی حالده

طوب قپوسر اینه چیقار و تهیه ایدیلان عربیه را کبا قصر هایونه نزول و دخول ایلر .

سلطان عبدالعزیز سرایدن خروج ایده چکی صرده سلیمان پاشانک سرباک ساحل قپوسنه قویدینی بش آلتی نفر قره قولاک چاوشی پاشای مومی ایله کاور برتئا ایدر و ( عبدالعزیز افندی شمدی چقه جق ایش چیقارکن بز نه معامله ده بولنه جقز ) دیر سلیمان پاشا دخی لطیفه قیلندن اوله رق ( سز نه یایق ایستیورسکن ) دیو سؤال ایدر چاوش جواباً ( نه امر ایدر سه کز آتی یایق ایستیورز ) دیمسی اوزرینه پاشای مومی ایله ( چیقارکن حاضر طوروب اوککزه باقکیز صاقین باشکزی قالدروب یوزینه باقکیز غایت رعایتلو طورانکیز شاید سزه برشی سؤال ایدر سه جواب ویرمیکیز هر نه معامله ایدر سه ایتسون ینه سز اوککزه باقکیز حتی ایچکزدن بریکزی اوروب اولدر سه بیله باقیریکز ینه رعایتده قصور ایتمیکز دیو تنیه ایلدی حال بوکه هیچ بولره حاجت مس ایتمکیزین سکوت و سکونت ایله عسکرک اوکندن کچهرک قایغه بپندی .

سلیمان پاشا دیرکه برنجی دفعه اوله رق عزیز افندی تعبیری اوچاوشک آغزندن ایشتم .

سلطان عزیزک طولمه بغچه سرایندن انفکاکنی متعاقب سلطان مراد حضر تلی سرائی تشریف ایتدیلر و تشریف هایون عقبنده ینه طوپلر آتلغه باشلادی سرائی محیط و محاصر اولان عسکر هپ بر آغزندن متناوباً ( پادشاهم چوق یاشا ) و ( ملت چوق یاشا ) صدالرینی رفع آسمان وایکی ساعت مدت بوغلغله شادمانی یی ورد زبان ایاندیلر .

بو صرده بشککاش اهلیمی و خواجه لریه برلکده اورایه

سکیرتن صیان مکاتبی شہا کردانی دخی پیدرپی مکتب حربیہ  
 شاگردانک محافظ بولندیغی مطبخ قپوسی قربنہ تحشدا یلہ عسکر ایلہ  
 برلکدہ ( پادشاهم چوق یشا ) ( ملت چوق یشا ) زمزمہ سیلہ ترین  
 لسان ایتدی و قدری افندی اسمندہ برخواجه صوت بلند ایلہ  
 سلامت ملت نامنہ دعا خوان اولوب جملہ اہالی و عسکر و حاضر  
 بولتان صیان اعلا ی صوت آمین ایلہ رقت فزای عالمیان اولدیلر .  
 بومعرکہ شادمائی سرای ہایون پیشکاہندہ آقشامہ قدر دوام  
 ایتدیکی کبی سکسئہ استانبول دخی رفع ظامت استبداد شوق  
 و شطارتیہ یکدیگری تبریک و تبشیر ایدرک معانقہ و بوکون فاتحہ  
 سعادت استقبال دولت و عید اکبر ملتدر دیہرک عادتاً معاہدہ  
 ایلدیلر .

سلطان مراد حضر تلرینک سرای تشریف لرندن بر آرزوکرہ  
 مسدود اولان طولمہ بغچہ جادہ سی آجلدی و آقشام اوستی  
 سلیمان پاشا یالکز بشنجی طلیعہ طابورینی سرای محافظہ سنہ ترک  
 ایلہ دیگر طابورلری آرقہ سنہ الہرق موسیقہ ملت ہواسنی ترنما ساز  
 اولدیغی خالدہ طاش قشلیہ طوغری کیدوب عسکر قشلیہ  
 و شاگردان مکتب حربیہ دخیل ایتدیلر .

وقعہ خیرینک خاتمہ اوان حدوثی اولان بیک ایکی یوز  
 طقسان اوچ سنہ ہجریہ نبویہ می شہر جمادی الاولی سنک یدنجی  
 و مایس رومینک اون سکز و مایس افرنجینک اوتوزنجی صباحنک  
 ساعت طقوزندن کہ عسکر طاش قشلہ دن بسملہ خوان حرکت

و تقدّم اویش ایدی زمان عودت اولان آقشام ساعت اونبرینه قدر یعنی اون درت ساعت بلا انقطاع فرقه جنودیه فداکاران اوزرینه رحمت نازل اولدی کویا که اهل سموات سکنه زمینک غلغله شاپاش و تحسینه مناظر اوله رق دریای لطف و عنایت ربانیه دن بوفدایان مات اوزرینه کلاب افشان بشارت و تقدیس ایدیلر .

اولکون ایدی که مدحت پاشا حضرتلری مشروطیت اداره و مسئولیت و کلاهی متعهد و معین قلمه آلدینی نطق هایون مسوده سی بعض محرملرینه و بو مسئله ده اک زیاده عرض فداکاری ایله ذی علاقه کوریزان سلیمان پاشایه سرایده کوسترمش ایدی نه چاره که صدر وقت اولان محمد رشدی پاشا آقشام اولدقدن صکیره نیجه سنه لردن برومألوفی اولدینی ذوق استبداده خلل کتیرمامک عزیمیه مسوده نک تحریف و تبدیلیه قیام ایتدی و استبداد جلیله آندن پک کروقالیمان حسین عوننی پاشادخی ایکی یوزلی اداره لسان ایله برطر فدن بوفکرک خادملرینه و خصوصیه سلیمان پاشایه ( بو حریف سوزنده احمر ارایدیور نظر اغیارده بینم زده شقاق کورنمسون دیو حفظ لسان ایدیورم هله بر آزر برایدک ) زمینده اداره لسان و دیگر ضر فدن فکر مستبد صدارتی ترویج ایلر ایدی .

مدحت پاشا لساندن دخی ( بوا یکی متفق مستبد قارشونه پایه یم اوچن بر بریمزک قولنه اتباعه سوزویرمش ایدک ) که عجز یمه سنندن بسته سوز حدور ایتدی .

والحاصل وجهه بر نطق هایون مسوده سی قلمه آنه رق عرض



ایله اعلان و اشاعه ایدلدی ایسه ده خلقک مترقب صدوری اولدینی مشروطیت ادارهجه بر وضوح و صراحت اولدیغندن و یوفیکرک خادمین و دلالاتی کفتکوی ده چوغالتدیغندن جهادی الاولینک اون التنجی و مایسک یکرمی یدنجی پنجشنبه کونی باب فتوا پناهیده مشروطیت اداره نک دولت عثمانیه حقنده رد و یا قبولی شقارندن هانکیسینک ارجیح و انساب اولدیغنی تعیین ایچون بر مجلس مخصوص منعقد اولدی .

مجلس مذکور از کافی معلوم العدد مجلس خاص و کلا اعضا سیله دارشورا رئیس ردف پاشا و قاضی عسکر سیف الدین افندی و فتوا امینی خلیل افندی و او آردلق رتبه سی فریق لکه ارتقا ایدن مذکور الاسم مکاتب عسکریه ناظری سلیمان پاشا و اعضای طبعیه حکمنی آلان آمدی و مکتوبی بکاردن عبارت ایدی .

ذاتاً برقرار سالم آلمق اعتقاد یله جمع اولمه مش ویا لکن صدور وقتک افکارناسی او یا لامق عزیمیه طوبیلا مش اولدینی بو مجلسده جریان ایدن مذاکرات ضبط اولنما مش ایسه ده صدراعظم محمد رشدی پاشا ( مشروطیت اداره یه اهل وطنده عدم قابلیت و حریت اها لیده انواع مضرت موجود در ) اقوال سخیفه سیله و یوفیکرک مترتب بر طاقم دلائل غیر معقوله ایله بحجی اوزاتدی و نهایت ( براهالی یه بعض مساعدات کوستردم که آنار دولتدن حقوقری استحصال ایتدک ظن ایتسونلر لکن نفس الامرده برشی ویرمش اولیمه لم سوزینی در میان ایدنجه اولوقته قدر سر عسکر حسین عوننی پاشا و دارشورا

رئیس ردف پاشا دن بچك عسكركه عدم تعلق چهتیه سوزه قاریشه مسی حقنده آقشامدن امر آلمسی اوزرینه نتیجهیه مترقباً سکوت ایتیکده بولنان سلیمان پاشا آرتق صبر و تحمیلدن قالهرق بولندی صف نعالدن قیام ایتدی وصوت بلند ایله صدر اعظمه خطاباً (پاشا حضرتلری تبدل سلطنت حال حاضر استبدادی وقایه ایچون اولمدی هرکس تأمین استقبال ملت ایچون بوفدا کارانی درعهده ایتدی بو ایشی یابانلرک نه سلطان مخلوعه برغرض شخصیلری ونهده شمیدیکنه برنسبت مخصوصه لری وارایدی مذاکراته بودقیقه لری نظراعتایه آلهرق دوام بیورکز) دیدی .

آندن صکره ینه بین الاعضا برخیلی مناقشات دوام ایدوب مشروطیت ادارتک اوآردلق ملتزم وحامیدی بولنان فقط اعضاسنک انکلتزه پارلمنتوسنه توفیقاً صرف مبعوثین مسلمهدن ترتیبی مدعی اولان نامق پاشایه صدرمشارایه (آرتق سن روژ [۱] اولمشسک) دیو خطاب ایلدیکی کی مدحت پاشا وخلیل شریف پاشا کی مروج مشروطیت اولانلری ده برصورتله رد وتزیفه چاپالامقده ایدی .

بوصرهده ناچار قالهرق وقول مسکت اولمق اوزره جملهیه خطاباً (جانم بواه الیه امتیاز ویرمهک کلز ویردکجه دائماً ذها

---

[۱] روژ فرانسهجه قیرمزی دیمک درکه مجازاً مفرط معنا سننده

زیاده سنی طاب اولورلر قناعت ایتزلر ایشته کریدلیرله کچنده امتیاز ویرلمش ایدی باقکینه توسیعنی طلب وادعا ایدیورلر) دیدی. سلیمان پاشا جواباً (کریدلیرله و قتیله او امتیاز ویریلوبده سوء مثال توارث ایده جکنه دولت تربیه لرندن عاجز قالدی ایسه آطه دن کاملاً کفید ایتلی ایدی بکا قالیرسه بونلر امتیازی دولتدن دکل شیخصدن ایستورلر مات مجلسنک وجودی بومثللو مستدعیاته محل و صلاحیت برافز) دیدی و بزده کافه مصالح دولت وکیل مطلق عنوانیه مبجل صدر اعظم لک فکر و اراده شیخصیه سنه منحصر در بونوع صفت وکالت رفع و سلب اولما نیجه اومثللو مطالب غیر مشروعه نک اوکی آلمانز دیمک ایستدی .

صدر اعظم پاشا حضرتلری بوسوزده پک زیاده اظهار چهره اغبرار ایتیمی اوزرینه مدحت پاشا سلیمان پاشا لسانندن اوله رق بعض مرتبه تعمیر تعمیر اتنه قیام ایتدی ایسه ده اویدورده مدی .

واحصل حضاردن جودت پاشا صفوت پاشا و سیف الدین افندی کبی بر طاقلری طرفینه ملایم لسان استعمال وراشد پاشا و سرور پاشا کبی بر آزی ده مشروطیت اداره لهنده غایت متحاشیانه بر قیچ سوز صرف ایدوب شیخ الاسلام خیراه افندی و حسین عونی پاشا و یوسف پاشا و غالب پاشا و قیصرلی احمد پاشا و ردیف پاشا کیلری ده همان هیچ برسوزده قارشمیه رق مذاکرات جاریه یی استماع ورضا پاشا و حالت پاشا و فتوا امینی خلیل افندی کبی بر قیچ ده افکار صدارتی تقدیراً ترویج قاعده استبداد ایتدیلر .

حئی خلیل افندی وکلايه خطاباً (افندم سز امنای دولتسکیز  
ماشاه جله کز عقلا دن وامور دیده سکیز آناطولینک روم  
ایلینک برطاقم جهله اتراکنی طوپلایوبده آنردن استفسار  
رأی و تدبیر می ایده جکسکیز هر ایشی عادلانه رؤیت ایدیکز  
شاید بر مسئله ده اشتباه واقع اولورسه فتوای شریفه مراجعت  
ایدیکز) دیدی .

بونک اوزرینه صفوت پاشا وجودت پاشا و سلیمان پاشا خواجه  
افندینک قول سخیفنی رد ايله آناطولی و روم ایلنده رأیلرندن  
استفاده اولنور بر چوق آدملر اولدیغنی و بو قولک مجروحیتنی  
دلایل عیدیه ايله سرد و ارائه ایتدیلر .  
بر آز قیل و قالدن صکره جسم نتیجه قرار مجلس آتییه  
بالتعلیق طاغلندی و صکره ده اجتماع میسر اولمدی .  
همان جناب و اهبالآ مال مقصد اقضای ملته وصول احسان  
ایلسون آمین .



#### اخطار

کتابک تاریخ تحریری اوله رق کوسترین « ۱۲۹۳ » تاریخی ،  
عجری در . تاریخ رومی اعتباریله « ۹۲ » ده یازلش در .













3 1761 06981459 8



DR  
569  
S8